




دار الوقف العربي

سلسلة
الأعمال
الأدبية



الكلمة
الآن
للدفاع

«مسرحية»

تأليف
لينين الرملي



دار الوقف العربي

الكلمة الآن للدفاع

تأليف

لينين الرملي

١٩٨٠

الفصل الأول

المشهد الأول

- حجرة خالية من اى اثاث
- باب غرفة الى اليمين
- مدخل الى اليسار يكشف عن الردهة
 - الخارجية للشقة وباب الشقة •
- نافذة مغلقة •
- جرائد قديمة وبعض الأشياء المهملة على الأرض
 - الوقت نهار
- المكان : مدينة القاهرة •

— محمود .. في الثلاثين .. متوسط القامة ..
نحيف .. يقف في المنتصف .. نظيراته
ساهمة .. بعد لحظة يدور حول نفسه
ببطء ، وبلا هدف .

— صوت نبيلة يأتي من الداخل .

نبيلة : (من الداخل) محمود ..

محمود : (شاردا) أيوه ..

نبيلة : انت فين ؟

محمود : (بعد لحظة) هنا ..

نبيلة : تعال .

(محمود يتحرك كالنائم ويخرج من باب
اليسار .. تمر لحظة)

نبيلة : (من الداخل) محمود ..

محمود : (من الداخل) أيوه ..

(نبيلة تدخل من باب اليمين .

في الخامسة والعشرين .. متوسطة الجمال ..
ترتدى ملابس بسيطة ... تبحث بعينيها في
الحجرة) .

نبيلة : انت رحيت فين ثاني ؟؟ .. انت سامعني ؟

(لا تسمع زدا ، تتحرك نحو باب اليسار ..
بينما يظهر محمود داخلا من نفس الباب ،
فتتوقفاً عن اندفاعها) .

نبيلة : دوختني .

محمود : (ينظر لها ولا يرد) . . .

نبيلة : تعال .

محمود : ليه ؟

نبيلة : بس تعال .

(تسحبه من يده الى حجرة اليمين . . يمشى
مستسلما ، يختفيان برهة . ثم يعود محمود
ويتجه للمنتصف . . تظهر نبيلة خلفه .)

نبيلة : انت لحتت شفت حاجة ؟

محمود : شفت .

نبيلة : وايه رأيك ؟

محمود : كويسة .

نبيلة : دي هاييلة . . الأرض واسعة والايجار معقول . . والله
ما حتلاقي احسن منها . . استنى . . الشباك ده بيبيص
على ايه ؟

(تفتح النافذة ، يدخل ضوء النهار وضوضاء
الطريق . . محمود يسد اذنيه .)

نبيلة : ده ع الشارع العمومي . . اهو احسن مكان لليافطة
هنا ، تحت الشباك . (تعلق النافذة وتستدير له) .

نبيلة : انا لو منك اكتب للعقد النهارده . . دلوقتي . . الله .
ما بتردش ليه ؟

محمود : ابدا .

نبيلة : لا . . انت ساكت من ساعة ما دخلنا .

محمود : (يهز كتفيه كأنه لا يجد ما يقوله) ..

قبيلة : أنت لسه متضايق ؟

محمود : من ايه ؟

قبيلة : عشان القضية اتأجلت ..

محمود : لا ..

قبيلة : امال ايه ؟ مش أنت اللي عايز الحرية .. طب أدى

الحرية أهيه .. حيبقى لك مكتب تتصرف فيه زي ما أنت

عاوز ، ماحدش حيثحكم فيك ، المهم تشتغل ومتكسلس ،

وبكره تشوف لو مكنتش تبقى اكبر محامى فى مصر

و ..

محمود : (مقاطعا) قبيلة .. انتى مش قلتى الكلام ده قبل كده ؟

قبيلة : يا سم ا وحفضل اقوله لحد ما تقنع ..

محمود : ما كنتش جيت هنا ولا لفيت ده كله ..

قبيلة : ياه .. ده احنا لفينا كثير فعلا .. تصور بقى انى

ما حسستش بالتعب الا دلوقتى .. انت ما تعبتش ؟

محمود : تعبت ..

قبيلة : اخص .. انت كمان ؟ عيب قوى لما الرجالة تتعب زي

الستات ..

محمود : ما هو الرجالة بتتعب لأنها

(ثم يسكت وكأنها زهد فى الكلام) ..

قبيلة : لأنها ايه ؟

- محمود : لأنها رجاله .
- نبيلة : (تعبت بزر قميصه) مش كل الرجالة بقى ، اسمع لى ،
الراجل العظيم ما يصحش يتعب .
- محمود : يعنى أنا عظيم ؟
- نبيلة : أعظم راجل فى الدنيا .
- (محمود ينظر لها ثم ينفجر فى الضحك بغير
توقع .. نبيلة تبعد عنه فى قلق .. وتتلفته
حولها) .
- نبيلة : هو البواب سابنا وراح فين ؟
- محمود : (بعد لحظة) ملاحظتيش حاجة واحنا داخلين ؟
- نبيلة : (بتوجس) حاجة زى ايه ؟
- محمود : الشقة اللى فوق دى .
- نبيلة : مالها ؟
- محمود : ما هى دى تبقى مكتب محمد .
- نبيلة : مش معقول ا .. وماقلتش م الصبح ليه ؟
- محمود : دى الاياقة طول كده .. محمد عبد العزيز المحسامى ..
إزاي ماشفتيهاش ؟
(يدخل بواب العمارة)
- البواب : لا مؤاخذه .. انتشالله تكون الشقة عجبكم .
- محمود : مش بطاله .
- نبيلة : (بسرعة) بس الخلو كتير قوى ..

- للبيوت : دى حاجة فى ايد البيه صاحب العمارة ولا مؤاخذه .
- محمود : ومى فىن ؟
- نبيلة : والأوض كمان ضيفه .
- البيوت : هنا قريب .
- نبيلة : نفوت عليه وقت تانى .
- محمود : بتقول قريب ؟
- البيوت : ايوه ، نديله خبر بالتليفون لو تحب حضرتك .
- محمود : مافيش مانع .
- نبيلة : واحنا حنفضل واتفين كده ؟
- البيوت : نتينة واحدة اجيب كراسى ، عن اتنكم .
(البيوت يخرج .. نبيلة تقرا أفكار محمود ..)
- محمود يتمشى للنافذة)
- نبيلة : محمود .. انت حتاخذ الشقة دى بجد ؟
- محمود : ليه لا ؟
- نبيلة : يعنى الدنيا ضاقت عشان تفتح مكتبك جنب مكتبه ؟
- محمود : ايه ... خايفه نخطف الزباين من بعض ؟
- نبيلة : لا طبعا ، بس مش فاهمه السبب اللى مخليك تصمم على الشقة دى بالذات .
- محمود : مافيش .. انتى اللى تلتى عليها كريسسه .
- نبيلة : ماكنتش عارفه ..

- محمود : ولا انا .
- نبيلة : لا عارف لأنك دائما بتيجي لمحمد هنا .
- محمود : ايوه ، لكن السمسمار قدامك لما تعد يلف بينا ، ما قلناش انه حبيبيننا هنا .
- نبيلة : ولا جينا فعلا ، ليه سبتنا نطلع ونتفرج عليها .
- محمود : (مهاجما) انتى بتكبرى المسألة من غير داعى .. انه مش شايف فيها حاجة .
- نبيلة : ويرضه مافيهاش حاجة لو دورنا على مكان تانى .
- محمود : لسه خندور ؟
- (البواب يخلل حاملا مقعدين)
- البواب : اتفضلوا .
- نبيلة : (للبواب) اجنا حنسننى كتير ؟
- البواب : لا ، انا رايح اكلمه فى التلافون هو .
- محمود : الكراسى دى منين ؟
- البواب : من مكتب الأستاذ محمد اللى فوق دى طوالى .
- (نبيلة ما تكاد تهتم بالجلوس حتى تمتد)
- البواب : ماهو لا مؤاخذه محامى برضك ، ابن حلال زى حضرتك ويخدم كل الناس ، عن أنفكم .
- (يخرج البواب)
- (محمود تيشعل سيجارة وينفث دخانها ببطه)
- (نبيلة تتمشى جيئة وذهابا)
- محمود : انتى مش كنتى تعبانة وعايزه تقعدى ؟

(نبيلة تتوقف ، تهم بان تقول شيئا ثم
تسكت .. تسير للمقعد وتجلس متنهدة
ببأس) .

نبيلة : مافيش فايده ، اللي فى دماغك فى دماغك .

محمود : صدقيني ، مافيش حاجة فى دماغى .

نبيلة : (بعناد طفولى) لا فيه .

محمود : طب فهميني .

نبيلة : مش عارشه بالتلطيظ .. انما انا حاسه ان فيه حاجة

وبس ، انا فهماك كويس ، اكثر من نفسك .

محمود : انتى ، ما بتحبيش محمد .

نبيلة : بالعكس ، محمد مش ابن عمى وبس ، محمد صاحبنى من

زمان ، زى ماهو صاحبك ، وكان ممكن احبه وانا لسه

بنت صغيره .

محمود : مقصدش انك بتكرهيه ، لكن مبتحبيش تشوفى علاقتنا

مستمرة لحد دلوقتى لأن ده ما يرضيش غرورك .. كنتى

متوقعه تشوفينا بنخسر بعض علشانك ..

نبيلة : (باستنكار) ده رايتك فى ؟ .. طيب اتفلق الت وهوه .

(تتحرك بعصبيه ثم تستطرد فجاءه) لكن مش

حتغير رايتى .

محمود : (برقه) ماهو مش معقول تيجى النهارده وتحكمى على

علاقتى بمحمد ، دى حاجة مجدىش يقدر يعرفها كويس

غيرى انا وهو .. احنا اتربينا سوا .. وكبرنا سوا ..

كنا بنام فى سرير واحد ، وتاكل من طبق واحد ، ونذاكر

على مكتب واحد ..

- نبييلة : وتحبوا بنت واحدہ . .
- محمود : (ينظر لها ويسكت) .
- نبييلة : انما كل ده ما يمنحش انك انت حاجه وهو حاجه ثانيه ،
كل واحد فيكم غير التانى خالص .
- محمود : مش لازم الناس تبقى زى بعضها بالظبط عشان
تبقى صحاب .
- نبييلة : مش كلهم ، فيه ناس ماتطيقش اى حد مايقاش زيها .
- محمود : ناس مين ؟؟؟
- نبييلة : انت . . انت نفسك . .
- (صمت متوتر يتبادلان خلاله نظرة طويلة . .
محمد يظهر فى الردهة الخارجية . فى نفس عمر
محمود ، أكثر امتلاء منه . . يجتاز الردهة
بهدهوء ويقف يتأملها برهة) .
- محمد : (فجأة) اما انتوا اوغاد بشكل .
(محمود ونبييلة يلتفتان وقد اخفتها المفاجأة)
- محمود : محمد ؟ !
- محمد : ده الكاتب بتاعى قالى انه شافك هنا ، ماصدقتش .
- محمود : مفاجأة . . . مش كده ؟
- محمد : (وهو يخطو للداخل) استنى على . . ازيك يا بنت
عمى وازى عمى وطنط ؟
- نبييلة : كويسين ، ازيك انت يا محمد . .

محمد : وحشائي موت . . وكل ما اقول للواد ده يجيبك معاه
مره ، يطنش ، ولا انتي اللي مش عايزه تشوفيني ؟
نبيلة : يا خبر . .

محمد : ايه ياسيدي بقي المفاجآت بتاعتك دي ؟

محمود : تصور ، بقالنا ساعتين بنلف مع السمسار ، ماعجبناش
ولا شقه . . والآخر لقيته جايبنا على هنا . .

محمد : يعني ما قتلتيش انك عايز شقه . . انتوا خلاص نويتوا؟

نبيلة : هو انت ما تعرفش انه سباب الشركه .

محمد : سباب الشركه يعني ايه ؟

نبيلة : قدم استقالته .

محمد : لا ؟ . . مش معقول . .

محمود : ليه ؟

محمد : آه صحيح ليه ، ما انت اهل وتعملها .

محمود : ما هو اصلك مش عارف ايه اللي حصل قبل ما قدم
استقالتي بشويه صغيرين .

محمد : حصل ايه ؟

محمود : فصلوني . . رحنت اقدم استقالتي لقيتهم فاصليني

محمد : يا ساتر . . عشان ايه ؟

محمود : (ساخرا) عشان يحرموني م البطوله يا سيدي . . حتى
لو كانت الاستقالة راحت لهم بدرى ، اكييد كانوا
حيرفضوها وبعدين يفصلوني في ساعتها .

- محمد : مش تفهمنى انت عملت ابيه بالظبط .
- نبيلة : اترافع ضد الشركة .
- محمد : (غير منتبه) وبعدين ؟
- نبيلة : وبعدين ايه ؟ اترافع ضد الشركة بدل ما يترافع عنها ..
- محمد : آه .. لا ؟ يخرب عقلك (يقهقه) ويضرب محمود على كتفه) انت مش حتبطل الجنان ده .. تعال لحكلى ايه اللى خلاك تعمل كده .
- محمود : (زاهدا فى الحديث) مايفيش ، للخصم اصله موظف قديم فى نفس الشركة والشركة فصلته فرغ عليها قضية .
- محمد : كويس .
- محمود : درست القضية ، ماالقتش اى حجه ضده ، اترافعت فى صالحه .. كسب القضية .
- محمد : وخسرت انت .
- محمود : وليه بتسببها خساره ؟
- محمد : لانك خسرت فعلا .. الوظيفة اولا وسمعتك كمحامى ثانيا ، كفايه انك اترافعت ضد الناس اللى موكلينك .
- محمود : وهما اشترونى ؟ ثم انا ماعملتش كده .. انا محامى للشركة يعنى مهمتى اذافع عن كل الموظفين اللى فيها ..
- محمد : لكن بما ان الموظف ده اتفصل ..
- محمود : فصل تعسفى ، بدليل انه حيرجع وظيفته ويصرف كل مستحقاته باثر رجعى .

- نبيلة :** حيلكم ، انتوا مش فى محكمة ؟
- محمد :** لكن انت ما استفدتش حاجه ، رجعت المفصول واتفصلت بداله .
- محمود :** برضه فصل تسنى .
- محمد :** يعنى حترفع عليهم قضية ؟
- نبيلة :** يا ريت .. مش بقولك استقال .
- محمد :** (ينظر لمحمود كما لو كان حيوانا غريبا) .
- محمود :** زهقت .. الواحد ممكن يدافع عن حاجه مؤمن بيها ، انما ازاي الانسان يفضل طول عمره ملزم يدافع عن حد مجرد انه بيشتغل عنده ، انه كاتب معاه كونتراتو ..
- محمد :** (يتنهد ثم يقول لنبيلة) جوزك ده تحفه من يومه ، انا فاكر مره واحنا عيال صغيرين كنا بنلعب كوره شراب وغالبين بفرق جون واحد ، انما كنا بنلعب باستهتار .. الكابتن محمود انفرغز ، تعرفى عمل ايه ؟ خد الكوره منى ومن زمايله وبدل مايطلع بيها لقدام رجع ع الجون بتاعه .. وخط فى نفسه جون .
- (محمد يضحك ، ونبيله كذلك ، محمود يبتسم) .
- محمد :** احنا وقفنا وذهيلين ، ايه ده يامحمد ، ؟ قال « ايه .. تستاهلوا عشان تلعبوا بجد » ، من غيظنا اتمينا عليه كلنا وضربناه حقة علقه .. فاكرها ؟
- محمود :** فاكرها كويس .
- نبيلة :** (بشفقته) ضربوك بصحيح ؟
- محمود :** (لمحمد) ايوه ، بس يومها كسبنا .

- نبيلة : (احمد) وانتور يا محمد ؟
- محمد : الحق بلبل مخوضه عليك .. ده زمان واحنا ميال .
(لحظة صمت مفاجئة)
- محمد : الله .. احنا واقفين كده ليه ؟
- نبيلة : البواب يعنى ما ردتش علينا .
- محمد : ما هو بيتكلم من غدى ، تعالوا نستناه فى مكتبى .
- محمود : قولى الاول .. ايه رايك ؟
- محمد : ودى عاوزه سؤال .. ما انا يا ما قلت لك ما فيش احسن
م العمل الحر ، اياك تكون آمنت بالله .
- محمود : يعنى اخدهما ؟
- محمد : على طول ، المكان هنا مش بطلال ، وحنبقى جنب بعض
يا اخى ، ما تضيعش وقت وافرشها من بكره .
- نبيلة : وده معقول ؟
- محمد : اسلفك مكتب وكام كرسى فى الاول ، والباقى تشتريه
بالتقسيط ، المهم تبتدى يا بطل .
- محمود : عندك حق .
- محمد : طبعا عامل حساب الخلو والمقدم والحاجات دى ؟
- محمود : يعنى .
- محمد : يعنى دى تبقى .. زى العاده .. مش كده ؟؟
(يضحكان)

محمد : على أي حال أنا تحت أمرك .. آه شوف كنت حنسى
القضية اياها حصل فيها ايه ؟

نبيلة : اتاجلت .

محمد : تانى ؟؟ معلىش ..

(يدخل البسواب)

البواب : البيه بيقول لحضرتك تعال له بكره الساعة حداشر .

محمد : طب عال ، اتفضلوا بقى ، نقيقتين واخلص م الزبايق ☹

البواب : واحد عايز حضرتك ع التلافون اسمه فؤاد سامى ☹

محمد : آه ، يا خبر .. ، ياللا يا جماعه ، حصلونى عقبسال
ما ارد ع التليفون (يخرج مسرعا) .

(البواب يحمل المقعدين ويخرج كذلك) .

محمود : قلتى ايه يا نبيله ؟

نبيلة : (بسرعه) ما تلخوش رابى .

محمود : ليه ؟

نبيلة : عشان ما بتقصده ده بجد ☹

محمود : (مبتسما) طب ياللا ..

نبيلة : (لا تتحرك) على فكره ، انا بتصايق لا محمد بيقول
طليك جوزى ☹

محمود : وقيها ايه ، بينهز ☹

نبيلة : بحس انه شمتان فى عشان ما رضىيش بيه ☹

محمود : بيتهايك ☹

نبيلة : تفكر محمد لسه بيحبني ؟

محمود : مرفش :

نبيلة : (بتهمك خفيف) ازاي ؟ انت مش صاحبه ؟

محمود : ما يهمنيش اعرف .

نبيلة : (بالحاح) ليه ؟

محمود : لان دي حكاية قديمه ، وعمرها ما كان لها دخل في

علاقتنا احنا التلاته . . افكر احنا ناس ناضجين

وما فيش داعي نتصرفي زي البنات اللي عقلها صغير .

نبيلة : اشكرك .

محمود : (بضيق) انتي مش بتحسي بنفسك يا نبيلة ، انتي

بتغيري من محمد وعاوزه . . . (يتردد لحظة) .

نبيلة : (بهوء) افرق بينكم .

محمود : انا ما قلتش الكلام الفارغ ده .

نبيلة : (بحنان) انت فاهمني غلط يا محمود ، انا بس خايفه

عليك .

محمود : اسمعي يا نبيلة ، انا حقولك على حاجه . . لما محمد

عرف اننا بنحب بعض ، اتصدم ، انتي كان نفسك

تسمعي ده واديني بقولهاك .

نبيلة : مش عايزه اسمع حاجه .

محمود : زعل طبعاً . . اي انسان في مكانه طبيعي يزعل . . انتي

عارفه كان بيحبك قد ايه ، انما ما اتضايقتش مني او

منك . . بلاش كده ، نقول ، . . نقول انه اتضايقت

شويه ، برضه ده طبيعى .. انا نفسى اتضايقت منه
ما اعرفش ليه .. اتضايقت منه ومنك ومن نفسى ..
وانتى كنتى حاسه بالخجل مع اننا ما خدعنهوش ،
ودلوقتى الحكاية اتنست ، ولازم نبقى اكبر من ده
كله .

نبيلة : افهمنى يا محمود ، انا مش خايفه من محمد ، انا ، انا ،
مش عارفه ، خايفه بس مش عارفه من ايه .. اصل
كل واحد فيكم غير التانى خالص .

البواب : (داخلا) لامواخذه ، السمسار عايز الحلاوه عثمان
يمشى .

محمود : آه .. حاضر ..

(يخرج خلف البواب)

(نبيلة تنظر حولها بتفكير)

نبيلة : وفيها ايه صحيح .. يمكن انا فعلا عبيطه .. انا بخافت
على محمود عثمان بحبه .. المهم اتقف جنبه لحد
ما يستقر .. محمود بي فكر كثير ودماغه ناشفه ،
بيتصرف زى الأطفال بالظبط .. لو يسمع كلامى بس
سنه بالكثير وكل حاجه تبنى كويسه .
(تسير عدة خطوات وهى تتأمل الشقة)

الأوضه اللى بره حنبنى استقبال للزباين .. والأوضه
دى للراحه ، يقعد فيها لما يزهق م الشغل .. وهننا
المكتب ، لا هنا تحت الشباك .. والمكتبه وراه .. وهنا
كنبه واثنين فوتيه .. بطراييزه صغيره عليها فازه ..
ساعتها محمود يستقر وباله يروق ويفضالى ..
(تتراجع بظهرها خارجة وهى تبتمس)

(يظهر شخص في الردهة الخارجية ، يتقدم
ببطء) .

(نبيله تلتفت وتراه وتنظر له بتساؤل ..
للرجل يتلفت حوله بدهشة وإرتباك) .

الرجل : من فضلك هو .. هو مكتب الأستاذ محمد عبد الرزاق
منا .. ولا أنا غلطان ؟

(نبيله لا ترد)

(انظلام)

* * *

المشهد الثانى

- بعد مرور عدة أشهر .
- نفس الحجره : لكنها الآن مؤنثة على النحو الذى تخيلته نبيلة فى نهاية المشهد السابق .
- على مقعد فى أقصى اليمين يجلس رجل فى حوالى الأربعين ، طويل وضخم الجثثة يرتدى بجله فضفاضة ، يبدو عليه الارتباك وقد وضع فوق ركبتيه صندوقا من « الكرتون » يحوطه بيديه فى حرص .
- يظهر صادق كاتب المكتب ، فى الحلقة الخامسة أو أكثر ، يرتدى بجله رثة ، يحمل صينية عليها كوب شاي . . يقدمه للرجل .

- صادق : اتفضل
- الرجل : (بدهشة) متشكر • : انا ما طلبتس •
- صادق : ودى تيجى ؟ • ده واجب •• اتفضل •
- الرجل : بس •• اصل ••
- صادق : لا يمكن •• على الطلاق بالتلاته ••
- الرجل : طيب •• متشكر ••
- (الرجل يرتبك وهو يتناول الكوب لانشمسفال
يديه بالصندوق) •
- صادق : (مشيرا لطاوله صغيره) حط الصندوق هنا •
- الرجل : لا •• خلاص •• متشكر ••
- (يضع الكوب على الطاولة ، ثم يسأل) •
• هو الأستاذ محمد حيثأخر كثير •
- صادق : لأ زمانه جاي •• اتفضل اشرب الشاي •• هلا وسهلا ••
- (جرس التليفون يدق وصادق يتحرك ويرد) •
- صادق : الو •• ايوه يا فندم •• هنا مكتب الأستاذ محمود
• عبد المجيد •
- (الرجل الذى هم بارتشاف الشاي يتوقف
• وينظر ناحية صادق بدهشة) •
- صادق : لا •• هو فى المحكمة م الصبح •• نقوله مين ؟ حاضر ••
• مع السلامه •
- الرجل : (ينهض بحيره) هو ده مش مكتب الأستاذ محمد
• عبد الرزاق ؟

صادق : (بابتسامه لزجه) ايوه .. امال .. لا .. ما هو ..
في الحقيقة ..

الرجل : يعني ده مش مكتب الاستاذ محمد ؟

صادق : هه ؟ في الحقيقة .. لا ..

الرجل : امال جبتنى ليه من ع السلم وقلت لى

صادق : اصل انا قلبى عليك .. الأستاذ بتاعنا أفوكاتو مافيش.
زيه ، وأنا عايز أخدمك .

الرجل : ايوه .. لكن ..

صادق : اتعد انت بس واطمن .. أنا بقالى خمسه وعشرين سنه
بشقتل مع محامين واعرف الشاطر م الخايب .. أنا
عايز أخدمك .

الرجل : متشكر .. انما .. اصل ..

صادق : اصل الأستاذين بيشتغلوا شركة مع بعض .. مكتبهم
واحد .. وأنا عايز أخدمك .. اشرب الشاي .

الرجل : حاضر .

(يجلس باستكانة)

صادق : اتفضل الشاي .. اهلا وسهلا ..

(محمود يدخل حاملا حقيبة أوراق .. يهز

رأسه تحية للرجل ثم يتجه للمكتب .. صادق

يسرع نحوه ويخطف منه الحقيبة بعنف)

صادق : عنك يا أستاذ .. عنك .. خير انشاء الله .. مش

برضه كسبنا القضية ؟

- محمود : اتاجلت .
- صادق : تانى ؟ (ثم بحماس) انما بان الله حنكسيها .
- محمود : (لنفسه بغموض) مش باين .
- صادق : وهو معقول حضرتك تتراجع فى قضية وما تكسبهاش ؟
- طب د حضرتك عليك مرافعه بليغه بشكل .. اى والله .
- محمود : عم صادق ..
- صادق : ايوه يا متر .
- محمود : انت عمرك شفتنى بتراجع ؟
- صادق : لا يا استاذ .. انما سمعت ..
- محمود : من مين ؟
- صادق : (دون ارتباك) الا من مين ؟ من كل الناس يا متر .
- محمود : (بهوء) انا مش قايلك انى بكره الكذب .
- صادق : (بطلاقة) حاشا لله يا فندم ، واكذب ليه ؟ دى حتى مساله مش محتاجه سمع .. الواحد يشوف سعادتك يفهمها لوحده .. اى والله .
- محمود : (بحدّة) كفايه .
- (صادق يهم بالكلام ثم يسكت)
- محمود : حد سال على ؟
- صادق : ايوه .. عم سيد بتاع كشك السجاير .
- محمود : قلت له انه خسر القضية ؟

صديق : (يلتفت ناحية الرجل ثم يهمس لمحمود) لا يافنجم .
• عيب •

محمود : عيب ليه ؟

صديق : لو بلغته في التليفون مش حنشوف وشه ولا بقية
• الأتعاب •

محمود : على اى حال هو ما حيلتوش حاجه •

صديق : وياريت عاجب ، ده زعلان ان حضرتك اعترفت انه دفع
• رشوه •

محمود : الأدله ضده .. انكر ازاي ؟ انا حاولت اثبت انه
ما يقدرش ياخذ حقه الا بالطريقه دى .. نهايته ..
• مين غيره ؟

صديق : الأسطى مصيلحي بتاع مصنع النسيج •

محمود : قلت له انه خسر القضية ؟

صديق : (يلتفت بضيق ناحية الرجل ثم لمحمود) لا طبعاً
يا فندم .. عيب ..

محمود : (ينظر له بغیظ) •

صديق : (بسرعه) هو اللي عرف لوحده •

محمود : عايز يستأنف ؟

صديق : ايوه .. بس هو ولا مؤاخذة طالب سحب القضية
• المكتب •

محمود : انا فهمته م الأول اننا مبنشتغلش بشهود زور •

- صادق : لكن ده الحق معاه يا فندم والغاية تبرر الوسيلة ..
- محمود : (مقاطعا) فيه حد تانى ؟
- صادق : الحاج عليش .. انتظر حضرتك وبعدين قال حيفوت بكره .
- محمود : انا مش منبه عليك القضايا اللي زى دى
- صادق : (مقاطعا) يا فندم الراجل حلف لى بشرفه وبالقرآن المجيد انه ماخدش خلو م السكان .
- محمود : عندنا قضايا ايه دلوقتى ؟
- صادق : دلوقت .. دلوقت ؟
- محمود : ايوه ..
- صادق : مافيش (ثم مستدركا ومشيرا بفقنه الى الرجل) غير حضرتك بقى (ثم هامسا بفخر) تعرف سيادتك والله ، لقطته من ع الباب ..
- محمود : نعم ؟
- صادق : اصله كان حيتوه ويخش المكتب اللي فوقنا ا
- محمود : كده ؟
- صادق : امال يا فندم .. انا صاحى كوينس .
- محمود : (بهدوء) طيب تقدر تعتبر نفسك فى اجازة م النهارده .
- صادق : (بعدم فهم) اجازة ؟ ليه يا فندم ؟
- محمود : لحد ما تلاقى شغل فى مكتب تانى .

صديق : لكن ..

محمود : (بحسم) أرجوك .

صديق : أمرك يا استاذ .. بس ودينى انا كان قصدى اخذك ..

(يخرج صديق .. محمود يتحرك للرجل) .

محمود : حضرتك عايز الاستاذ محمد ؟

الرجل : (ناغضا) أيوه .. هو ..

محمود : هو فى المكتب اللى فوقنا يظهر حصل سوء فهم .

الرجل : انا .. انا آسف ..

محمود : احنا اللى آسفين ..

(الرجل يخرج) .

(محمود يجلس الى المكتب ويضع رأسه بين

كفيه) .

(الرجل يظهر عائدا ويقف لحظة مترددا) .

الرجل : (يفتعل السعال) لا مؤاخذه .

محمود : (يرفع رأسه ويراه) أيوه ؟

الرجل : الشاى .. ولا مؤاخذه .

محمود : (يبدو عليه عدم الفهم) ..

الرجل : قصدى حق الشاى ، اللى جابهولى حضرة الباشكاتب

محمود : (يتأمله باستغراب) مكانش فيه داعى ..

الرجل : (مقاطعا بلهجة الخنثى) انا والله قلت له كده هو اللى

صمم يشربنى .

- محمود : مكانش فيه داعى تتعب نفسك .
- الرجل : بس انا لازم ادفع حقه .
- محمود : مش لازم ولا حاجه .
- الرجل : لا .. لا .. لازم مايصحش (يبحث فى جيبه عن نقود) .
- محمود : يا استاذ ..
- الرجل : انا معايا .. معايا ..
- (النقود تسقط منه على الأرض لارتبائه ،
• ينحن ويجمعها وهو ينظر لمحمود) .
هو حق الشاى كام ؟
- محمود : (لا ينطق) .
- الرجل : شلن اظن ، مش كده ؟ فى القهوه بشلن .. اتفضل ..
متأخفينش .
- (يضع النقود على المكتب بجرح) .
- محمود : (يضغظ على أسنانه) .
- الرجل : سلامو عليكم .
- (محمود لا يرد .. الرجل يتكلم فى الخروج ،
• ثم يستدير) .
- الرجل : انا بقول ، ما دام جيت هنا ، وحضرتك محامى برضه ،
• ما لئنا اتقول لحضرتك ع الموضوع و ...
- محمود : آسف .
- الرجل : ما هو انا مكنتش جاى للأستاذ محمد مخصوص .. انا
• جاى له ع السمعه .. وما دام حضرتك شريكه ..

محمود : شريكه ؟

الرجل : طب اسمع الموضوع وبعدين ..

• (يصدر من الصندوق صوت مواء قطة)

محمود : (ينظر للصندوق بدهشة) ايه ده ؟

الرجل : ماهو ده الموضوع (مشيرا للصندوق) بوسى

محمود : بوسى ؟؟

الرجل : ايوه .. تصو .. تصور حضرتك ضربوها

محمود : ايه ؟

(الرجل يصير له وجه طفل ويفشل فى تمالك

أغصابه)

الرجل : ضربوها ، وخربشوها كمان .. مع انها ما عملتش اى

حاجه ، عمرها ما آذت حد ، كانت بتشرب اللبن جنب

الباب وبعدين .. جم من وراها وراحوا رافصينها

بالشلوت

• (يتهدج صوته وتتلاحق أنفاسه)

دى حامل يا استاذ .. حامل ومالهاش حد غيرى ، قبل

كده ضربوا مشمشه لحد ما ماتت ، كانوا متغاضبين منها ،

انا دفنتها بايدي عند شريط السكة الحديد .. رحى

القسم أشنكيت ما عملوش حاجه ، نأس قالوا لى اوكل

محامى .. فا انا بقول .. يعنى .. لو .. حضرتك ،

يعنى ممكن .. تتر .. تترافع ، دى حيوان ابكم

ما تعرفش تدافع عن نفسها و ..

• (ثم يسكت ويرتجف)

محمود : (محاولا ان يكون هادئا) انا آسف ، مش ح اقدر افيدك

بحاجه

الرجل : دول قالو لى ممكن اكسب القضية .

محمود : (لا يجد ما يقوله .. يهز كتفيه)

الرجل : هي مش روح ؟

محمود : ايوه ..

الرجل : طب ليه بقى ؟

محمود : علشان علشان ما بحبش القطط ..

(الرجل يحتضن الصندوق بقوة .. يفشل فى
النطق .. يتراجع بظهره بفزع خارجا ..
محمود يظل احظه مسمرًا ينظر الى حيث خرج
الرجل وهو مذهول ، ينفخ فى ملل ، يمشى
لامكتبه .. يتناول كتابا ثم يمسده دون أن
يفتحه .. يجلس بارهاق .. نبيله تدخل
بنشاط)

نبيلة : صباح الخير يا محمود (ثم تغلق باب المكتب)

محمود : اهلا نبيلة .

نبيلة : (تقبله على وجنته بسرعة) ايه اخبار القضية ؟

محمود : اتاجلت .

نبيلة : تانى ؟ وناوى على ايه ؟

محمود : وايه اللى فى ايدى عمله ؟

نبيلة : على رايك .. بس المهم ما تزعطش نفسك .

- محمود : لا ماتخافيش ، بدأت اتعود .
- نبيلة : وازاي حال المكتب ؟
- محمود : بفكر اعمله بوفيه وأبيع قهوه وشاي .
- نبيلة : انا بتكلم جد .
- محمود : يبقى عندك نفس المشكله اللي عندي .
- نبيلة : انا قلت لك انك حنتعب فى الأول ، ومحمد قالك نفس الحكاية .
- محمود : (ينظر لها ولا يتكلم ينهض ببطه) .
- نبيلة : المكتب لسه جديد والناس ما عرفتهموش كفايه . .
- وما تنساش ان الحته مليانه محامين .
- محمود : فعلا ، معاكى حق . . وفيه سبب كمان .
- نبيلة : ايه هو ؟
- محمود : اليافته مش بالنيون .
- نبيلة : (بشك) انت بتهزر ولا ؟
- محمود : لا حقيقى ، تخيلى يافطه بالنيون ملونه احمر واخضر ، تولع وتطفى ، اسمى يولع بالأحمر وكلمة محامى بالأخضر محمود عبد المجيد . . محامى . . محمود عبد المجيد . . محامى . . وهكذا .
- نبيلة : بلاش تهريج .
- محمود : ياريت . . حتى التهريج محتاج شجاعه ، تضسورى موقفى لو لبست طرطور واتشقلبت . . وبعدين الناس ما ضحككتش .

نبيله : ده مستقبلك يا محمود .. لازم تواجه الواقع وتحاول
تعرف ايه السبب الحقيقى .

محمود : (مقاطعا) عندك فكره اللى بيحاولوا يعرفوا السبب
الحقيقى .. بيحصل لهم ايه ؟

نبيله : لا .. اعرف اللى بيياسوا بيعملوا فى نفسهم ايه .

محمود : ومين قال انى مستسلم ؟ (بمرح مفاجيء) تلب بلاش
الايافطه النيون .. ايه رايتك فى برواز فى صنف
الاعلانات الجويه ؟ .. فرصه مدمشه محامى يطلد
زباين للدفاع عنهم .. اسعارنا لا تقبل المناقسه ، نقب
كل القضايا .. شرفونا تجحوا ..
(طرق ع الباب .. محمود يسكت .. الباء
يفتح وتظهر رأس محمد) .

محمود : تعال يا محمد .

محمد : الله .. دى بلبل هنا .. ازيك يا بنت عمى .. وما
مكشوره كده ؟ لازم الواد محمود مزعك .

نبيله : (متصنعة الابتسام) وهو يقدر يزعلى ؟

محمد : لا يقدر ، انا عارفه جلياظ .. قوليلى بس وانا اقطم ا
رقيبته .. ايه الحكايه يا سى محمود ؟

محمود : ابدا .. كنا بنناقش اسباب فشلى .

محمد : ودى عاوزه مناقشه ؟ شوفى .. الناس نوعين .. نم
ربنا ناحسه .. ونوع جايب الفحس لنفسه وجوز
م النوع ده ..

(التليفون يدق .. محمود يرد) .

محمود : الو ... أهلا ... أيوه درست القضية كويس ... بس
أسفًا ، يظهر اني مضطر اعتذر عنها .

محمد : (لنبيله) مش بقولك .

محمود : (مواصلا) لا ممكن تكسبها انما بلاش تسألني ليه ؟
المهم اني مش حقد اترافع فيها ... أفندم ؟ (ينظر
في الساعة) الو ... (يلتفت لها مبتسما) بيقل
أحسن ا (يضع الساعة) .

محمد : قضية ايه دي ؟

محمود : تاجر حشيش موكلني عن اثنين من صبياناه ، شابين
متعلمين بيوزعوا له المخدرات عشان يكملوا في الجامعة .

محمد : ورفضتها ليه ؟

محمود : الحقيقة كنت متعاطف معااهم ... بس خفت الاوى نفسى
محول الاتهام ع التاجر باعتباراه الفاعل الاصلى .

محمد : ده اللي حيفجف تكاليف القضية ؟؟

محمود : (يهز راسه) .

محمد : ده انت بقيت غاوى ... يعنى اللي يوكلك في قضية يبقى
اهله داعيين عليه .

نبيله : اهو ده السبب ... لو مترفضش كل القضايا اللي
بتجيك .

محمود : يحصل ايه ؟ اتفنى ويبقى عندي فيلا وعربية ؟

محمد : بالناسبه انا ح اشتري عربيه جديده .

نبيله : لا بس عشان الشغل مش كثير يبقى لازم ...

(محمود ينظر لها ، نبيله تعدل جملتها) .

نبيله : ع الأمل في الأول بس لحد ما . .

محمد : بلبل معاها حق . . الموضوع مش قضيه ولا اتنين . .

أنا ساعات الشغل يكبس واضطر أعتذر عن قضايا كتير . .

خصوصا اللي ما فيهاش أمل . . انما تصسرفاتك دي

حتعملك سمعه مش كويسه . . الانسان بيحتاج حد

يدافع عنه ، مش حد يحقق معاه ويحاسبه ويحكم عليه .

محمود : الزبون دايمًا على حق ؟

محمد : مش تصدى .

نبيله : (متدخله) اسمع يا محمود . . بلاش عشان أكمل

العيش . . عشان الشغل نفسه . . كفايه أنا باخد ماهيه

عشان أترمي كل يوم سبع ساعات في المصلحة من غير

لازمه . . اولاد من غير شغل يبقى ضايح . . مالوش

قيمه . .

محمد : منظوط .

محمود : المهم نوع الشغل . . لو اشتغلت ليل نهار مش حقدر

أشيل أكثر من اللي بيشييه أي حدار في السكه .

محمد : افهم يا بنى آدم . . ما فيش دنيا تانديه غير اللي عايشين

فيها .

محمود : من الناحيه دي اطمئن . . أنا مبفكرش أغير الكون .

محمد : وليه يا شيخ ؟ ما تفكر . .

محمود : الدنيا فيها آلاف المجرمين واللصوص ، ولبقى كداب لو

قلت لنى بحاربههم وفيها ملايين المغفلين اللي بينضحك

عليهم وابقى مدعى لو قلت انى بحرك صباح واحد
عشانهم ، انما مقدرش اكون السبب فى زيانتهم ..
صحيح تاجر المخدرات ده حيلاتى ميت محامى غيرى
يتبنوا قضيته ويستमितوا فى الدفاع عنها ..

محمد : (مقاطعا) زى انا مثلا ..

محمود : انا مقصدتكش ..

محمد : انت بتبالغ يا محمود ياخويا .. صدقنى .

محمود : (بضيق) لأ مش صحيح انى ببالح .. انما يمكن بقول
كلام .. كلام مضحك بقول ذليشيهات قديمة وسخيفه ..
لكن لو سبنا كل اللى ممكن يتقال .. لو الواحد اتعامل
باحساسه بس .. حيوصل لنفس النتيجة .. وللأسف
الاحساس ده صعب انى اشرحه عشان تفهميه
يا نبيله لازم تعيشيه ، لو انتى شفتى التاجر ده بهدومه
اللى بتلمح ، لو شهيتى ريحة البارفان اللى حاططها
واتفاجاتى بالسنة الذهب اول ما فتح بقه .. لو شفتى
الطريقه اللى بيطلع بيها المحفظة ويخرج منها الفلوس ..
لو شفتى الخواتم اللى ماليه صوابه .. صوابه نفسها
فيها حاجه تستفزك ، ورقبته ولفده وقفاه وابتسامته
لو كنتى انتى اللى بيحاول يكلمك بمنتهى الأدب
والاحترام وفى نفس الوقت ييجسسك انك مش ند له
وانك محتاجه لفلوسه .. لو سمعتيه وهو بيحطف بالدين
الحنيف والمصحف الشريف ، لو

نبيله : كفايه يا محمود ، انا فاهمه اللى عاوز تقوله .. اعمل
اللى يعجبك .

(لحظة صمت) .

- محمد : كل ده كويس .. بس انا رأيي ..
- محمود : انا رأيي انك تدينى خمسه جنيه سلفا .. ممكن ؟؟
- محمد : بس ؟ طب ما تاخذ اكثر .
- محمود : لا .. يدوب .. اصل عايز اعزمكم ع السينما .. انت فاضى بعد الظهر ؟
- محمد : لا طبعا .. عندى شغل .
- نبيله : سينما ايه يا محمود .. والمكتب ؟
- محمود : فيلم «كاوبوى» شفت اعلانه وانا رايع المحكمة الصبح .. ما بتحبوش الكاوبوى ؟ طاخ طوخ طاخ .. القنسل والدلم للركب بس من غير قضايا ودوشة دماغ .
- محمد : اتفضل (يناوله النقود ثم لنبيه) مش بقواك جوزك ده تحفه .
- محمد : شوف انا كنت ح انسى انا جاى لك ليه .. اصل وانا طالع لقيت الباشكاتب بتاعك قاعد ع السلم مستنينى ..
- محمود : (يقرف) راجل لزج .
- محمد : اشتكى لى منك ووسطنى اترجاك ترجمه .
- نبيله : هو انت رفته ؟
- محمود : وانرضى .. هو مش من حقى كصاحب عمل انى الفصل الموظفين بتوعى فصل تعسفى ؟؟
- نبيله : حرام عليك .. ده راجل كبير وغلبان ..
- محمد : هو عمل حاجه ؟

- محمود : (يضحك) .
- محمد : ايه اللي بيضحك ؟
- محمود : انا اخليه هو اللي يقولك بنفسه . . . انت بتقول قاعد
ع السلام ؟
- محمد : ايوه .
- محمود : لحظة واحده . . .
(محمود يخرج) .
- تبييله : (منفجره) انا غلبت معاه يا محمد . . . مش عارفه اعمله
ايه ؟
- محمد : ولا انا . . . المشكله فيه هو . . . تاغب روحه من غير
سبب . . . عمره ما خد الحياه ببساطه .
- تبييله : ما بيرضاش يقولى على حاجه . . . لكن انا متأكد انه
من جوه بياكل فى نفسه .
- محمد : وانتوا اخباركم ايه ؟ مش ناويين بقى ؟
- تبييله : (مرتبكه) انا ما بفكرش فى الموضوع ده دلوقتى .
- محمد : انتى ولا هو اللى لسه ما فكرش . . .
- تبييله : انا كل اللى يهمنى فى الاول مستقبليه . . .
- محمد : ما هو لازم تفكرى فى الجواز عشان مستقبليه برضه . . .
الجواز حيخليه يستقر ويحس بالمسئوليه .
- تبييله : (تسكت) .
- محمد : ثم بينى وبينك ما دلم بيحبك ، مفروض يبص
لستقبلك . . . الوقت بيسررك . . . ومامتك ابتدت تقلق
من ساعه ما رفضتى العريس الأخرانى .

نبيله : اديك شايف ظروفه .

محمد : وعمرها ما حتنغير ، ده فقري ، ما تحاولي انتي
تساعديه . . اهو عقد العمل بتاع دبي جاهز ، بس انتي
تقرري . . فرصه تعملي لك قرشين حلوين وتجهزوا
شقه كويسه .

نبيله : محمود مش مواثق . . ما انت عارف . . وكمان أنا . .
(ثم تسكت عندما ترى محمود داخلا) .

محمود : (ينظر لهما بريبة) مالمقتوش بره .

محمد : طب ما تقولي انت .

محمود : اقواك ع العموم هي حاجه ما تضحكش قوي . . الحكايه
انه بيحاول يسرق الزباين من مكتبك .

محمد : (ضاحكا بشده) مش معقول .

نبيله : (غاضبه) ده يبقى راجل مش كويس فعلا .

محمد : معلش ، سامحه المره دي .

نبيله : لا . . دي حاجه مايصحش الواحد يسامح بيها . .

محمد : لا وجاهي يوسطني انا بالذات . . يخرب عقله . (يعود
للضحك) بالذمه راجل دمه خفيف . . حيهمل ايه ؟ وراه
عيله والعيشه صعبه . . ده حتى قابلني دن بيومين وقالي
انه مرفوع عليه قضيه طرد من شفته . . مالمالكش
علما ؟

- محمود : لا ..
- محمد : غريبه .
- محمود : مش غريبه أبدا ، المفروض انه أول واحد يقدر يعرف
انى محامى فاشل .
- محمد : المهم تسامحه المره دى ، ما تخلينش أحس انه اتفرج
بسببى ، احسن بعيدين آخده عندى وأسلطه يخطف
زباينك .
- فبيلاه : وكان بيخططهم ازاي ؟
- محمود : بيهمهم اننا شركا فى مكتب واحد .
- محمد : معقول .. (وبعد لحظة صمت) صحيح والله .. الفكرة
دى تاهت عننا ازاي ؟
- محمود : فكرة ايه ؟
- محمد : للشركه .. ما احنا فيها .. قلت ايه ؟ .. ايه رأيك
يا بلبل ؟
- فبيلاه : دى مساله بتاعتكوا انتوا ..
- محمد : ايه رأيك يا محمود .. يعنى سكت .. اظن دى مس
عايزه تفكير ..
- محمود : (بتفكير) وانت حستنفيد ايه ؟
- محمد : (وقد بدأ يتحمس الآن فقط) انت بنتكلم ازاي .. اصلك
.. خايب ..
- محمود : (مقاطعا) ماهو عشان كده مش ح خفيديك بحاجة ..

محمد : أفهمنى .. المكتب بقى يستعبدنى .. ما بفوقش
م الشغل .. اذيك لسه شاييف .. حتى السيئمة
ما بروحهاش .. لكن لما نبقى سوا حتشيل عنى الحمل .

محمود : أجل الموضوع ده لبعدين .

محمد : وتاجله ليه ، ما تقويله يا نبيله .

نبيله : (بتردد) ليه لا يا محمود .

محمد : طار عنى ، انا شاييف المستقبل قدامى .. نوفر ايجار
مكتبك ، وافضى لك أوضه عندى تقعد فيها لحد مايبقى
لنا مكتب كبير .. انت حتتجوز على طول وجايز
اعملها انا زآخر وآخد شقه جنبكم ، وحتبقى العيشه
آخر لذه .. انا اراهن بمليون جنيهه على اللى بقوله .

محمود : كله نش صحيح .. انا مش حشيل عنك حاجة .
بالمكس حبقى عبء عليك .

محمد : وليه تحكم بالفشل م الأول .

محمود : ما تنفاسش ان كل واحد له طريقته .. بصراحه انا
مقدرش اشتغل بطريقتك .

محمد : يا سيدى كل حاجه لها حل ، القضايا اللى ما تحبش
تترافع فيها سيبها لى أنا .. بس وافق .

محمود : (لا ينطق) .

محمد : بلاش ترفض يا محمود ، ختصم فيك ، خليكى شامده
عليه يا نبيله .

محمود : (لا ينطق) .

محمد : (بضيق وارتابك) ما فيشن فايده ، يظهر انك استطيعت الكسل ، واقف مطرحك وعمال تلفّ وتدور حوالين نفسك ، عايز ايه .. مش فاهم .. هو احنا يا اخى مش بنى آدمين زيك برضه ولا ايه ؟

محمود : معلى ، سبنى افكر .:

محمد : انا اوعى عليك وانت بتفكر ، عمر التفكير ما خلاك غيرت رأيك .:

محمود : (ناظرا فى عينيه) وعشان انت عارف كده مكانش فيه داعى للفكره دى بالمره

محمد : انت زعلت ولا ليه ؟

محمود : لا .. بس مش عايزك تتصدم فى

محمد : (متكلفا المرح) وانت برضه صدقت .. انا كنت بهوشك بس .

(ثم تمر لحظة ضمت ثقيله ومتوتره)

محمد : طيب .. اسيبكوا بقى .:

محمود : خليك قاعد .. انا فاضى .:

محمد : معلى انا عندى شغل .

محمد : سلام بنا بلبل .. ما تنسيش تسلمى لى ع الللى فى البيت .. آه بالحق يا محمود القضية اخبارها ايه ؟

تبييله : (بحزن) اتاجلت .

محمد : تانى ؟ ولو انى قلت معلى ميت مره ، لكن .. برضه معلى ، سلام .

محمود : سلام ..

(يخرج محمد)

(محمود ونبيله لا يتحركان .. ينظران لبعضهما

.. لحظة صفت)

نبيله : انا ما كنتش متصوره ان محمد بيحبك للدرجة دى

محمود : (لا يرد)

نبيله : بس تعرف انك كنت سخيّف معاه ..

محمود : (لا يرد)

نبيله : اصله مد لك ايدو وانت رفضتها

محمود : (بهدوء ظاهرى) من فوق يا نبيله .. مدها من فوق ؟

نبيله : يعنى ايه ؟

محمود : انا مطلبتش منه حاجه .. واللى عمله ده عيب .. عيبه

قوى ، انا ما وصلتش لدرجة انه يعطف على ..

نبيله : وليه بتسميها كده ؟

محمود : لأنها كده

نبيله : مكانش اتضايق لما رفضت .. انت ما شفتش كان

مرتبك. ازاي ؟

محمود : جربى تدى حسنه لشحات وشوفى يكون شعورك ايه

لما يرفض .. لما يحرمك من لذة الاحساس بالتفوق

نبيله : وما دام هو اللي انكسفت ، زعلان ليه ؟

محمود : ما حسرش كثير ، ع الأقل بان قدامك شهيم وبيحاول
يبنقذنى ولو على حساب نفسه .. حيفضيلى اوضه
لمى مكتبه آل ، فاهم روحه عبقرى .. أنا لو كنت عايز
كنت بقيت أحسن منه .. عشرين مره ، الشغل الللى
بيعمله يقوم بيه حته باشكاتب محامى بصباغ رجله ..

نبييله : انت كل حاجه تكبرها وتبالغ فيها .

محمود : نبييله .. ده مش كلامك .. فى الأول ما كنتيش عايزانى
أخذ مكتب قصاد مكتبه ، ودلوقتى موافقه أنه يحسن
على ويشغلنى عنده .

نبييله : أنا ما بقيتيش أعرف اتكلم معاك .. الحسق على انى
تاعبه روحى عشانك .

محمود : انتى كمان عايزه تلعبى معايا دور المنقذ ؟

نبييله : ما تقولش كده يا محمود .

محمود : أيوه أنا فاشل (ومضحك) وبلف حوالين نفسى زى
مابيقول ، أنا كده .. ودى حياتى .. وما اسمحش
لاى حد ..

نبييله : (مقاطعة) أنا مش اى حد يا محمود .

محمود : (يسكت لحظه) ثم انتى ايه اللى جابك دلوقتى ..
أنا ميعادنا كان بالليل .

نبييله : أنا غلطت فعلا عشان جيت أظمن عليك .. أسفه ..
مش ح اعمل كده تانى .. معلىش ..
(تأخذ حقيبتها بمصبيه وتتحرك خارجه) ..

محمود : نبييله ..

(تتوقف عند الباب .. ينظر نحوها ويهم
بالكلام .. ثم يسكت) ..

نبييله : (تستدير له) نعم ؟

محمود : (ينظر في الأرض) .

(نبييله تقترب منه ببطء تترك حقيبتها على

مقعد ، تقف خلفه وتضع يدها برفق على

كتف) .

نبييله : مالك يا محمود ؟

محمود : (يغمض عينيه) كل شيء ركيك .. سخيف .

نبييله : بلاش التشاؤم ده .

محمود : أنتى بتقولى كلام مجاني

نبييله : (تسحب يدها) ويلاش تهزاني كل شويه .

محمود : (مواصلا جملته) ما بتدفعيش فيه حاجة .

نبييله : (بضيق) بطل مثاليه بقى .

محمود : هي بقت شتيمه ؟

نبييله : انت مثالى زياده عن اللزوم .

محمود : زياده قد ايه ؟ .. كام سنتى ؟

نبييله : (باكية فجأة) محمود .. انت مبتحبنيش ..

(محمود يسكت يمد يده ليمسح على شعرها) .

نبييله : (مبتعدة عنه) انا ح اريجك منى .

محمود : (يمسك بذراعها) ارتاح لو عرفت بتحبيني ايه ؟ ايه

يا نبييله ؟ ايه تحبيني انا وماحبتيش محمد .

نبييله : لأنى تحبك أنت يا محمود .

محمود : جاوبينى على سؤالى .. ليه ؟

نبيله : معرفش ليه .. بحبك .. وعاوزاك زى ما انت .

محمود : لا يا نبيله .. لازم يكون فيه سبب ولازم تعرفيه ..
والا يبقى حبك ما لو شى اى قيمه .. تبقى عواطفك كلها
ما تقدرش تنفقنى .

نبيله : كفايه انى بحبك وخلص .. لكن انت ..

محمود : (يترك ذراعها) .

نبيله : (مواصله) انت عمرك ما قلت لى كلمه واحده .. وانا
دلوقتى اللى عايزه اعرف .. انت بتحبينى ولا لا .. ؟

محمود : (يسكت) .

نبيله : سكت ليه ؟ اتكلم يا محمود .. انت مابتحبينيش ؟
انا اللى بيتهدى لى انك بتحبينى ؟ قول حاجه .. قول
ايوه ولا لا ..

محمود : (يبذل مجهودا ليتكلم) انا .. انا ..

(نبيله تنظر له بغرغ ، ثم تخطف حقيبتها
وتنطلق خارجه .. محمود يجرى خلفها) .

محمود : نبيله .. نبيله ..

(يدخل صادق فيتوقف محمود عن اندفاعه) .

صادق : لا مؤاخذه انا يظهر خبيت فى وقت ..

محمود : عايز ايه ؟

صادق : جاى اتاسف لحضرتك .. سامحنى المره دى .. والنعمه
الشريفه كان قصدى اخدمك .. مش ح اعلم القاطله دى
تاقى .

محمود : طيب .. طيب ..
(محمود يتحرك في اتجاه الباب .. صادق
يلاحقه بالحاح) ..

صادق : منتشكر .. ده جميل عمرى ما انساه .. والله حضرتك
أمير وقستاهل كل خير انت أكبر قلب رحيم شفته فى
حياتى ، ايدك ابوسها .

محمود : (مشيرا له بغضب) بره .

صادق : الله .. الله .. انا زعلت سعادتك دلوقت ؟ ده انا خدامك
يا متر .

محمود : قلت بره .

صادق : طب ما تزعلش منى .. انا اصلى غبى وما بفهمش ..
حلفتك بالعالى ، عشان خاطر النبى ..

(ثم يخطف يده عنوة ويقبلها)

محمود : بره .. بره .. بره ..

« ستار الفصل الأول »

الفصل الثمانى

المشهد الأول

- - بعد مرور شهر
- - نفس المنظر
- - محمود جالس خلف المكتب
- - امامه تجلس فتحية •• فى العشرين تقريبا ••
- - ترتدى ملابس رخيصه وشمسك دوسيه فى
- - يدها حركاتها تدل على بعض الخفيه ••
- - تتمخض فى منديل وهى تبكى
- - صادق يدخل بصينيه عليها كوب شاي ••

- محمود : وبمدين ؟ مالوش فايده العياط .. امسحي دموعك ..
• (صادق يتقدم منها بصينية الشاي)
- صادق : اتفضلي •
- فتحيه : يزيد فضلك يا عم صادق •
- صادق : العفو •
- (صادق يتراجع ناحية الباب ومعه الصينية الفارغة) •
- محمود : يعنى افهم من كلامك .. انك رفعتى قضية فعلا ؟
- فتحيه : ايوه يا استاذ .. وادى الورق .. فيه كل حاجه .. اصل المحامي اللي كان ماسكها لى .. قفل مكتبه •
- محمود : ليه ؟
- فتحيه : سافر يشتغل فى ابو ظبى •
- محمود : آه ..
- (محمود يتناول منها الملف ويفتحه .. ثم يلاحظ ان صادق يتلصق فى الخروج) •
- محمود : عايز حاجه يا عم صادق ؟
- صادق : لا .. سلامتكم يا متر ..
- (صادق يحدج فتحية بنظرة غامضة ثم يخرج محمود يواصل القراءة فى الملف ثم يتركه) •
- فتحيه : عرفت بقى انى ضحيه يا استاذ ؟
- محمود : المهم .. لما رحتى عنده البيت ، كنتى عارفه قاصده ولا لا ؟

فتحيه : أبدا وشرفك .. قالولى فيه تصوير .

محمود : مين اللى قالك ؟

فتحيه : عبده .. الريجيسير .. وهو اللى خدنى الفيلا بنفسه .

محمود : طيب .. رحتى .. ولقيتى ان ما فيش تصوير ..

فتحيه : قالى ان الديه المنتج حيعملك امتحان .. صدقتهم ..

وبعدين جابوا كاميرا وقعدوا يصورونى .. اتحركى ..

اعتدى .. نامى .. اقفى .. وبعدين .. (تسكت) .

محمود : وبعدين ايه ؟

فتحيه : قالى اقلنى !

محمود : كده ؟

فتحيه : ده اللى حصل وحياة المصحف .

محمود : وعملتى ايه ؟

فتحيه : اتكسفت ومارضيتش طبعا .. انا مش وش كده .

محمود : كويس .

فتحيه : بص لعبده وقاله ما تنفمش ، اترجيته وقلت له انا عايزه .

أمثل بس بشرفى ، قام ضحك وقالى .. شستيمه

أبيجه !

محمود : ده الريجيسير طبعا ..

فتحيه : لا المنتج .. فؤاد بيه قالى ياوسخة يا ..

محمود : (مقاطماً) طيب ، طيب ، اعتدى عليكى ازأى ؟

- فتحيه : بالمعافيه ، زى ما حكيت لحضرتك .
- محمود : فيه شهود ؟
- فتحيه : أيوه ، مكتوب عندك فى الورق (ثم تبكى) .
- محمود : طب هدى نفسك ، اشربى الشاي .. والقضيه حصل فيها ايه ؟
- فتحيه : المجامى بتاعى فى اول جلسه طلب التاجيل .
- محمود : عشان ؟؟
- فتحيه : والنبي ما انا عارفه ، مع انه حد كل اللى حيلتى ، ولما جه يقفل المكتب ، قالى احسن لك تروحي لمحامى فؤاد بيه وتحليها معاه ودى .. ما كدبتش خير ، وجيت له .
- محمود : جيتى له فين ؟
- فتحيه : (مرتبكه) قصدى رحلت له .. وقلت له اتنازل لكم عن القضيه وتدونى تعويض .. مرضيش ، وقالى احنا اللى حنرفع عليكى دعوه اسمها ايه دى .. رد شرف ونسجنتك كمان .. قال صحيح يا استاذ يقدروا يسجنونى ؟
- محمود : لا .. ما تخافيش .
- فتحيه : الحمد لله .. اهو انا سألت ولاد الحلال على محامى يكون غلبان وعلى قدى ، دلوتى على حضرتك .
- محمود : اشكرك .
- فتحيه : يوه ، يقطع لسائى ، مش قصدى والنبي ، انا بصدى اتقول يعنى

- محمود : مش مهم .
- فتحيه : والله أنت باين عليك طيب وشهم ، ربنا ينصبرنى على ايديك .
- (محمود يتحرك خلف المكتب ويقف مستندا الى حافته مواجهها فتحيه) .
- محمود : طيب ، انا ح اروح المحكمة واطلع على ملف القضية . . . وتفوتى على بعد يومين تلاته ، ومعاكى الشهود .
- فتحيه : حاضر .
- محمود : بس اهم من ده كله حاجه واحده .
- فتحيه : الاتعاب . . فاهمه .
- محمود : لا ، تجاوبينى بصراحة . كل اللى قلنتهولى ده مظلوظ ولا . . ؟
- فتحيه : (تقف منفعله) والقرآن المجيد يا استاذ .
- محمود : (يجلسها برفق) مش عايزك تحلفى . . المفروض انك ما تخبيش على عشان أقدر أساعدك .
- فتحيه : انا صريحه وحياة ربنا . . اصلك ما تعرفش فؤاد بيه . . ده وحش ، مش بنى آدم .
- محمود : وايه اللى عرفك بيه ؟
- فتحيه : كانوا عاملين مسابقة للوجوه الجديده . . قدمت نفسى ، وهو كان بيמתحننا .
- محمود : مش كان احسن لك تدورى على شغله تانيه .
- فتحيه : ما انا طول عمرى فى الشقا ، من يوم ما ابويا قعد م الشغل ، واخواتى بقم فى رقبتى وانا بشتغل .

محمود : فین ؟

فتحیہ : حاجات کثیر .. شویہ عند ترزی ، وشویہ فی مصنع
تریکو ، واشتغلت فی محل قماش ، ومحل کوافیر .

محمود : ولیہ سبئی الشغلانات دی کله ؟

فتحیہ : ارزاق .

محمود : علی کده ما کنش فیہ حد قبل فؤاد بیہ .

فتحیہ : انا طول عمری ماشیہ بشرفی .

محمود : مفهوم .. لکن ده یمکن یکن مهم فی القضية .. متاکده
ان فؤاد بیہ .. اول واحد ؟

فتحیہ : (بقلق) اول واحد ایہ ؟

محمود : یعنی ما حدش حاول معاکى قبل کده . ؟

فتحیہ : (بعد تردد) طبما .. حصل .

محمود : الترزی اللی اشتغلتی عنده مثلا ؟

فتحیہ : (تہز رأسها ایجابا ثم بعد لحظه) وصاحب المحل .

محمود : محل القماش ؟

فتحیہ : والکوافیر ..

محمود : یعنی کلہم باختصار

فتحیہ : (واقفة بانفعال) انما فضلت بنت بنوت یا استاذ .

محمود : مش ده المهم ؟

فتحيه : لا مهم . . انا صحيح جعت كثير وانضربت واتهنت م اللي
يسوى ، واللى ما يسواش ، لكن حافظت على شرفى . .
لو كنت عايزه ، كنت عملت زى غيرى ، لكن انا خسر .
دا لسه آخرها امبارح ، واحد عربى قالى اديكى ميت جنيه ،
مرضتشى .

محمود : ودا شوقتيه فين ؟

فتحيه : فى الشارع ، مشى ورايا بالعربيه وبعدين نزل وحاول
يشدنى بيركبنى بالعائيه ، كنت حقلح الجزمه واضربه
بيها .

محمود : وايه اللي حاشك ؟

فتحيه : اصل كان فيه امين شرطه واقف . خفت الراجل يتبلى
عليا ويقول انى سرقته ويجرجرونى ع القسم .
(محمود يسكت . . الصمت يطول) .

فتحيه : امشى انا بقى ؟

محمود : آه . . بس امضى لى انك وكلتينى عنك . . هنا . .
(يقدم لها ورقة وقلم ، توقع اسمها ببطء) .

محمود : انتى بتمضى كده من غير ماتشوفى اللي مكتوب .

فتحيه : وايه فايده الشوف . . هو انا يعرف اقرا .

محمود : تانى مره ما تمضيش على ورقه غير لما حد يقرأها لك .

فتحيه : ويعنى لو قروها ح افهم حاجه من كلامكو . . انا سايباها
لربنا يا استاذ . . عن اذنك .

محمود : مع السلامه . .

(تخرج فتحيه . . محمود يظل واقفا لحظة

ثم يتمشى مفكرا ، يفتح الراديو على البرنامج
الموسيقى ، يعبت بفتاحة أوراق ذات نصسل
لامع .. يتصفح أوراق فتحيه .. بينما تدخل
نبيله وتقف لحظة دون أن يراها وعندما يلمحها
تبدو عليه الدهشة .

محمود : نبيله ؟

نبيله : (تقترب منه ببطء) .

محمود : ازيك .

نبيله : كويسه .

١] تَمَّ تَحَرَّكَ لِلرَّادِيُو وَتَغَلَّقَهُ (.

نبيله : ايه أخبار القضية ؟

محمود : اتأجلت .

نبيله : ولا يهك ، بكره تكسبها .

محمود : هس مهم نكسبها .. المهم ما تتأجلش أكثر من كده .

نبيله : ما دام الحكم ما صدرش .. يبقى لسه فيه أمل .

محمود : الأمل نفسه بقى حكم .

نبيله : وايه اللي فى ايدك دى .

محمود : فتاحة ورق .

نبيله : دى حامية قوى .. حاسب لحسن تجررك .

(تأخذ الفتاحة منه بهدوء وتضعها على المكتب .

محمود ينظر لها بنخب .. ياخذ يديها بين

يديه) .

محمود : انا آسف يا نبيله .. انا جرحتك .. من حقك تعرفني
ان كنت بحبك ولا لا .. كان لازم اقولك .. لكن ساعات
يبقى جوليا كلام كثير ولما احاول اقله ما اعرفش .

نبيله : يبقى خلاص .. ما تقولش .

محمود : يعنى مش زعلانه منى ؟

نبيله : ما هي دي الحكايه .. انا ما بقدرش ازعل منك .. آخر
مره كنت هنا صممت اقطع علاقتى بيك .. ما نمتش
طول الليل م العياط .. جت على لحظة اتمنيت فيها
انتقم منك .. تانى يوم قررت انساك .. عملت ترتيبي
اسافر اشتغل فى دى وابعد عنك .. وفعلنا الشهر
اللى فات كله ما فكرتش فيك ولا حقيقه واحده ..
واتهيا لى انى نسيك .

محمود : وبعدين ؟

نبيله : زى ما انت شايف .. نزلت اتمشى فى وسط البلد
واشترى حاجات السفر اتفرجت ع الفترينات ، وخذت
جيلاتى فى الأمريكين .. كنت حاسه بهدوء غريب ونفس
صافيه كانى عمرى ما قابلتك .. وفجاه لقيت روحى جايه
على هنا .. يمكن لو حبيت امنع نفسى كنت قدرت ..
ولكن ما حاولتش .. طلعت السلم كانى جايه لك
عادى .. زى كل يوم .

محمود : انا يثبت انى ح شوفك تانى .. ولما لقيتك داخله
فرحت .

نبيله : مش باين عليك .

محمود : ما تزعليش منى ، انا عارف انى بتصرف تصصرفات غريبه ومالهاش معنى لكن صدقيني فرجت .. فرجت قوى ، لدرجة ان قلبى كان بيدق ، جايز مكانش باين على عشان كنت مكسوف منك ، او يمكن ...
(ثم يسكت ويترك يديه تسقطان الى جانبه) •

محمود : وحشتيني يا نبيله •

نبيله : وانت يا محمود •

(يفرد ذراعيه فتنفخ الى صدره) •

محمود : نبيله .. ما تبقيش تسيبيني .. انا محتاج لك •

نبيله : انت اللي حتسبني يا محمود .. مش انا •

محمود : مستحيل •

نبيله : يا سلام •

محمود : ايوه ، انا طول الوقت كنت خايف من نفسى .. خايف اهرب منك زى ما يهرب منها .. يمكن ده اللي يخلي كلمة الحب يتقف على لساني ، احساسى انى مقدرش اتحمل مسئولية الحب ده •

نبيله : ليه يا محمود .. حد يهرب من سعاده ؟

محمود : وايه هي السعاده يا نبيله ؟ تفكرى حبنا لوحده كفايه ؟ ده اللي دايماساله لنفسى .. لكن لما عبتى عنى الايام اللي فاتت عرفت الجولب .. عرفت ان حبنا هو الضمان انى ما اسقطش .. انى ما انتهيش بدرى .. ممكن الف حاجه تعذبني ، ممكن انشل فى شغلى وعلاقتى بالناس .. ممكن احترق نفسى .. لكن لما تكونى جنبى حثميفى ..

أحط راسى فى صدرك وانام .. مهما حسيت بالكآبه او
اليأس او حتى العيب .. مش ح ابقى لوجدى .. عشان
كده بقولك ماتسيبينيش ، حتى لو ضايقتك شويه ..
لانى ما ليش غيرك .. لانى من غيرك كل الأشياء
بتستوى فى نظرى الأبيض بيبقى زى الأسود .

نبيله : (بتاثر) يا حبيبي .

(نبيله تضمه الى صدرها .. محمد يظهر داخلا

فجأة .. ثم يقف مره واحده) .

محمد : احم .. احم ..

(يشعران به .. نبيله تبتعد بسرعه عن

محمود) .

محمود : انت بتطلع امتى ؟

محمد : (داخلا) فى الوقت المناسب .. أزيك يا بلبل .. شفتك

وانتى طالعه قلت آجى اسلم عليكى .

نبيله : الله يسلمك .

محمد : تسمحوالى اخبطكم عين .. ده احنا بنتقدم قوى .

نبيله : (تبتسم بخجل) محمد .. وبعدين ؟

(محمود يضحك بساده ويتبسط خصرما

بذراعه) .

محمد : صحيح الدنيا حظوظ .. انا شخصيا مؤمن بمسأله

القسمه وللنصيب .. مش بيقولوا سعيد فى الحب تعيس

فى الشغل ، والعكس صحيح .. ان القسمه كده

مافيهاش عدل .

محمود : ايه التخريف ده ؟

محمد : أنا بكلم روجى يا سيدى ، ما تزعلش ، أصلكوا فتحتوا
نفسى للحب ، الا قولولى كان فين الغرام الملتهب ده
من زمان ؟

محمود : يعنى ايه كان فين ؟ أنا طول عمرى بحب نبيله وواقع
فيها لشوشتى كمان .

محمد : يا سـيـدي .. لازم بقى كنت بدارى عشان خايف
م العوازل .

محمود : انت كلامك بقى بلدى قوى .

محمد : أنا طول عمرى راجل شعبي .. المهم امتى حتفرح فيكم
باذن الله ؟

نبيله : (مغيرة موضوع الحديث) ايه يا محمد .. نازل فينا
اسئله كده ليه ؟

محمود : قريب على اى حال .. حتفرح بيانا قريب قوى .. مش
كده يا بلبل ؟

نبيله : انت ادرى .

محمد : كده من غير ما تاخذوا اذنى ؟ هو أنا برضه مش ابن عمك
يا بت ولا ايه يعنى مفروض سيادتك تيجي تطلبها منى ،
وانا افكر الأول .. وبعدين أروح أتوسط لك عند عمى ..
(ثم يضحك فجأة ويقبل محمود بلا مبرر) مبروك ..
الف مبروك .

محمود : وبلبل ؟ مش حتبوسها ؟

محمد : قوى .. أنا بس مكسوف أبوسها قدامك .. تعالى ..
(يقبلها بصوت مرتفع فى ارتباك ومحمود
يتأمله) .

محمد : عارفه يا بلبل .. اللواد ده حظه بمب .. انا بقولها فى وشه بصراحه انا بحسده .

نبيله : (برقة) مرسى يا محمد .

محمد : (مقلدا لهجتها) مرسى يا محمد .. ايه يا خويا ده .. اللبت بقت تنقط رقه كده ليه .. هو الحب بيعمل كده ؟

نبيله : عتبالك .

محمد : وانا الاقى زيك فين ؟ (متفكراً فجأة) بالحق يامحمود .. القضية حصل فيها ايه ؟ مش الجلسة كانت اول امبارح ؟

محمود : اتاجلت .

محمد : عادى .. واخبار الشغل ايه .. لسه برضه قاعد تهش القضايا .

محمود : انت اخبارك ايه ؟ بقالك كام يوم مش باين .

محمد : اصلى خلاص حا اعزل من جنبك .. خدت مكتب جديد فى شارع قصر النيل .

نبيله : وعرفت تاخذ شقه هناك ازنى ؟ اكيد دفعت خلو كبير .

محمد : لا والله مش قوى .. اصلها شقة واحد معرفه وزبون .. فؤاد سامى طبعا سمعتوا عنه ؟

محمود : فؤاد سامى ؟

محمد : منتج سينما مشهور .

محمود : بتقول زبونك ؟

محمد : ايوه .. ده انا ماسك له ختة قضيه تفتس م الضحك و
واحد كرمباريس بتتهمه انه

نبيله : ايوه افكرته .. شفته مره بيتكلم فى التليفزيون .. ده
دمه ثقيل قوى .

محمد : بالعكس بقى .. لو تعدتى معاه حتغيرى رايك ، هو
صحيح راجل هايف ومنحل ، انما مسلى جدا .. غسل ..
(لحظة صمت)

محمد : طيب .. اسيبكوا بقى لحسن تقولوا على عزول ..: پاى
يا بلبل شدى حيلك مع الجدد ده عايزين نشوفه فى
القفص .. من بكره .. مه ؟

محمود : بقول ايه يا محمد .

محمد : قول .

محمود : ولا بلاش .. خليها بعدين .. ما احنا حنتقابل .

محمد : طيب سلام .

محمود : سلام .

(يخرج محمد .. محمود يتمشى شاردا) .

نبيله : سرحتا فى ايه ؟

محمود : مه ؟ فى الدنيا .. فيكى وفى وفى محمد .

نبيله : انت الكلام اللى قلتة عننا ده صحيح ؟

محمود : وهو موضوع الجواز فيه مزار ؟

- نبيله** : اصلى أتهيا لى انك بتوجه له هو الكلام ؟
- محمود** : حسيت انى فرحان بيكى وعايز اقول لكل الناس انى بحبك .
- نبيله** : (بمداعبه) وبالذات محمد ؟
- محمود** : وبالذات محمد .. ولا تزعلى .
- نبيله** : محمد .. ما بقاش يحبنا .
- محمود** : فعلا .. ما بقاش يحبنا .
- نبيله** : هزاره فيه حاجه ما تريحش .
- محمود** : بالظبط .
- نبيله** : بقى حاجه تانيه .
- محمود** : محمد طول عمره حاجه تانيه .
- نبيله** : قلت كده م الأول ما صدقتنيش .
- محمود** : ما كنتش متصور يبقى حاجه تانيه .. خالص .
- نبيله** : على فكره تهنكر قصد ينقل مكتبه بعيد عنك ولا دى صدغه ؟
- محمود** : ما فيش حاجه اسمها صدغه .. انما هى الحياه كده .. الناس بتتقابل وتفترق .. ما فيش شىء بيفضل زى ما هو .. احنا بنسمى دى صدغه ، لكن هى ضروره .. ولازم تحصل .
- نبيله** : مش فاهمه .. انت بتتكلم عن ايه ؟

محمود : عن الصدفه • تصورى تجينى النهارده قضيه ويطلع هو
اللى ماسكها للخصم و ...

(ثم فجأة يشرق فى ذهنه خاطر ..)

محمود : صادق .. صادق ..

نبيله : (بدشه) فى ايه ؟

(يدخل صادق) ؟

صادق : افندم يا متر ..

محمود : انت تعرف البنيت اللى كانت هنا من شويه ؟

صادق : اعرفها منين يا فندم ؟

محمود : قصدى هى جت المكتب لوحدها ولا انت ...

صادق : ودى فيها ايه بقى يا متر ؟ انا لقيتها نازله من مكتب

الأستاذ محمد والجمعه بتفر من عينيا .. وبتدور على

محامى ، ابقى اسمى خطفتها ؟

محمود : وليه ما قلتليش ؟

صادق : انا .. انا كان قصدى اخدمك يا متر .. انت زعلت ؟

محمود : خلاص .. روح انت ..

صادق : (بفرع) أروح فىن ؟

محمود : شوف شغلك ..

(صادق يتنهد بارتياح ، ويخرج ..)

نبيله : ايه حكاية البنيت اللى بتسال عليها ..

(محمود يتحرك للمكتب ويمسك بأوراق فتحيه)

وينظر فيها لحظه ثم يشرود ببصره ناسيا
نبيله)

نبيله : محمود .. محمود ..

محمود : (يلتفت لها مفيدا) ايوه .

نبيله : انت سرحت في ايه تاني ؟؟

(اظلام)

المشهد الثاني

- بعد مرور عشرة أيام •
- نفس النظر •
- محمود واقف أمام حوالب الأوراق يقرأ في
بعض الملفات •
- صائق يفتح باب الغرفة ويفتح الطريق
لمحمد •

- محمد : سعيدہ يا محمود .
- محمود : (يلتفت) أهلا يا محمد .. أتمد (ثم يعود لقراءة الملف) .
- محمد : انت مشغول ؟
- محمود : لا .. مش قوى .. دقيقه واحده .
- محمد : يعنى ممكن اتكلم معاك شويه .
- محمود : اذا كان فى القضيہ برضه ، يبقى ريح نفسك ، اتناقشنا كفايه وما اظننش حثقنعننى .. مقعنتش ليه ؟
- محمد : اصلى مش لوحدى .. معايا واحد عايز يشوفك .
- محمود : (ينظر باستفهام .)
- محمد : (ببعض الجرح) فؤاد سامى .
- محمود : بس
- محمد : (بسرعه) مفهوم .. وانا قلت له انى اتكلمت معاك كتير .. انما هو مصمم .
- محمود : (يهز كتفيه) .
- محمود : مملش ، حاول تستحمه عشان خاطرى .
- (يتحرك للباب وينادى) اتفضل يا فؤاد بيه .
- (يدخل فؤاد بنشاط .. بددين ، يدخن السيجار ، يرتدى بجله تلمع ، فى حوالى الخمسين) .
- فؤاد : بونسوار .

محمد : فؤاد بنامی تمنا

محمود : (بفتور) اهلا .

فؤاد : تشرفنا .

محمد : اتفضل .

فؤاد : (يجلس) أرجو ما نكونش عطلناك يا محمود بيه .

محمود : لا

فؤاد : الحقيقة كان لازم نكون ذوق ونتفق على ميعاد ، انما
انا متعودنش اضيع الوقت ، لما محمد كلمنى عنك ،
قلت لازم اشفوك حالا .

محمود : فؤاد بيه يشرب ايه ؟

فؤاد : لا ولا حاجه .

محمود : (ببعض التحدى) اهلا وسهلا .

محمد : آدى بقى الأستاذ محمود شخصيا وتقدر تتفاهم معاه
زى ما يمجبك .

محمود : اتمكر انت نقلت لى وجهة نظره .

محمد : انما يظهر هو عنده حاجات تانيه عاوز يقولها لك .

محمود : خير . . . ؟

محمد : الله اعلم ، حاكم فؤاد بيه مخه كبير ، وفيه حاجات
بيفضل يخبئها حتى ع الحامي بتاعه . . مش كده
يا فؤاد بيه ؟

(فؤاد الذى ظل صامتا يقبض محمود بلطراته

ينتهى من اشغال سيجاره بهدوء ويضع ساقا
فوق ساق) .

فؤاد : لا .. لا مش صحيح .

محمد : هو ايه اللي هس صحيح .

فؤاد : (هو اصلا النظر لعمود) والمسأله دي مش زي ما انت
فاهم اطلاقا .

محمد : كده ، طب يا سيدي .. اديني عرفتكوا ببعض ..
اسميكوا بقى تتفاهموا على راحتكم (يهيم بالنهوض) .

فؤاد : (باشاره من يده) لا .. انت تخليك قاعد .. رايح
فين .

(ثم لعمود) شوف يا استاذ محمود .. انا مش جاي
بخصوص القضية .

محمود : مش فاهم .

محمد : ولا أنا .

فؤاد : (مازحا) اسكت انت .

محمد : حاضر .

فؤاد : تفكر انا مش عارفك يا استاذ محمود ؟ ابدا .. لما
محمد كلمني عنك ، حسيت اني اعرفك الى حد ما ..
وانا شخصيا بدعي اني ذكي ، يعني افهم الناس كويس ،
لو انا جيت لواحد زي حضرتك وحاولت اقنعه ببراعتى
ايه يكون رد فعلك ؟

محمود : (لا يبرد) .

محمد : حيث تتع أكثر م الأول أنك مش برى .

فؤاد : مظلوظ . . . يس اسكت انت .

محمد : حاضر .

فؤاد : شفت انا فاهمك ازاي ؟ طبعا دلوقتي حتسال امال انا
جاي لك ليه ؟

محمد : والله انا اللي نفسى اعرف .

فؤاد : اولاً انا متأكد انى كسبان القضية .

محمد : متشكر .

فؤاد : لا ، انا قصدى ان موقفى قوى من غير دفاع ولا وجع
قلب .

محمد : اسمح لى انا لسه ما فهمتش حاجه .

فؤاد : تفكر ما دام ما فيش امل فى اقتناعك ، وفى نفس
الوقت ضامن القضية فى جيبي ، يبقى آجى ليه الا اذا
كنت عايز اتعرف عليك ؟

محمد : ياه . . . طب ما تقول كده م الصبح .

فؤاد : انا بتكلم جد . . . انا ما اتعودتش اكذب .

محمد : يبقى على كده مش ح آكل من وراك عيش .

فؤاد : معايا يا أستاذ محمود ؟

محمد : آسف . . . يظهر ان فهمى بطل .

فؤاد : ابدأ ، المسألة أنك لسه مش مصدق انى ما جتتش عشان
القضية .

محمد : الحقيقه ولا انا ا

• (فؤاد ينهض ويتمشى قليلا ثم يقف) •

فؤاد : طب انا اريك .. ح اقولك كل اللي عندي بخصوص
القضيه ومش ح طالبك باي رد وبعدين نفساها ،
وندودش علي راحتنا اوكمي ؟

محمد : (يفتح ذراعيه ولا يقول شيئا) •

فؤاد : باختصار كل اللي قالته البت دي اللي اسمها تحية ••

محمد : فتحية •

فؤاد : ايوه ، كل اللي قالته كذب •• مش لاني عندي اخلاق ،
ابدا •• انا ما عنديش مانع اعرف اي عدد م السقات ••

محمد : في الحدود اللي تسمح بيها الصحه طبعا ••

فؤاد : لكن انا مش وسخ للدرجه دي •• لو سالتني هرفت كام
واحد من اللي مثلوا في افلامى ، اقولك كتير ، انما
الكومبارس ؟ •• اسمح لى •• اماله ايه فايده ان الواحد
يبقى منتج وعنده فلوس ها •• ها ••

محمد : بينى وبينك ما يمنعش برضه ترمم •• هاها •

فؤاد : (بجديه) شوف كل اللي انا فاكره ان الريجى جاب البت
مره الاستديو ••

محمد : الريجى •• يعنى الريجيسير اللي بيورد الكومبارس •

فؤاد : كنت بستريح بين شوتين تصوير •• قدمها لى وقعد
يشلحها •• كان عايز يضحكنى شويه •• جايز قلت
حاجه من باب الهزار •• مش فاكر •• وبعدها كملنا

تصوير ونسيت الموضوع بالمره .. بشرفى ده كل
اللى حصل .

محمد : (بجديه) مش يمكن الريجى ده عمل معاما حاجة ؟
فؤاد : ممكن جدا .. الله اعلم .. ع العموم .. الواد الريجى
ده مابيفوتش واحده من تحت ايده ..
محمد : كل ده قلتاه لعمود ، وانا واثق انه ممكن يصدقته لانه
منطقى ، نقطة الضعف الوحيدده ، ليه البت رفعت قضيه
عليك انت بالذات ؟

فؤاد : مؤكد كان نفسها تمثّل فى السينما وتبقى غنيه
ومشهوره ، والياس بيعمى البنى آدم ، ثم يجوز تكون
مهفوفه فى عقلها ، دى هبله تقريبا ، ويجوز الريجى
استغل سذاجتها وفهمها لنى ح لرافقها واخليها نجمه ،
ولما حسنت انى مش مهتم بيها .. حقت على .. يجوز
رفعت القضية عشان تشهر نفسها وللجرايد تكتب
عنها ، يجوز قاصده تهددنى بفضيحه عشان تبتز منى
قرشين او تخلىنى اشغلها .. فيه ميت احتمال .. حد
عارف الأشكال دى بتفكر ازاي ؟

محمد : دى هرافعه بليغه يا فؤاد بيه ، خساره فى الاتعاب اللى
حتديهانى !

فؤاد : ليه رايك انت يا استاذ محمود ؟

محمود : انت وعدت انك مش حتطالبنى برد .

فؤاد : ده صحيح ، وقلت كمان انى مش عايز اقنك ببراعتى ..
أنا واثق اننا حنكسب القضية حتى لو احتجنا لكام

محمود : شاهد زور ؟

فؤاد : ايوه يشهدوا ان البنيت سيرها بطل ، وبكده تطلع
القضية فشوش .

محمد : (ردا على نظرة محمود) والله ما قلقله عليها .. مش بقولك مخه كبير ؟

سؤاد : ده من حقى ، لأن الشهود بتقوعها زور .

محمد : فعلا يا محمود .

سؤاد : صدقتى انا مش جاي اكسبك لصفى ، تصدق بالله ، المحامى الللى كان ماسك لها القضية قبل منك ، كان مستعد يتفاهم معايا .. لكن انا ما رضيتش ، الللى اديه لمحامى الخصم ، او للبت ، المحامى بتاعى اولى بييه .

محمد : (محرجا) انت ماحاولتش عشان سمعتك .. لو للبت اتنازلت عن القضية الناس حتقول انك دفعت لها .

سؤاد : ومين الللى نصحنى بكده ؟ مش انت ؟

محمد : لمصلحتك .

سؤاد : واصلحتك انت كمان ، كل ما مشيت فى القضية اتعابك حتزيد .

محمد : هو انت محدش يغلبك ابدا ؟

سؤاد : أرجو أن يكون الأستاذ محمود اقتنع دلوقتى ، أن موضوع القضية ما يهمنيش للدرجة الللى متصورها .

محمود : (لا يتكلم) .

سؤاد : انا راجل خبير يا استاذ محمود ، شغلنا دى عايزه الخبرة ، مش خبرة السوق وبس ، ابدا .. الخبرة بالناس ، وعشان كده لما محمد كلمنى عنك جاني فضول اشونك .

محمد : ما تقولش كده لحسن الراجل يفتكر انك جاي تفرج عليه .

فؤاد : لا صحيح . . انا احب اتعرف بالناس .

محمد : معرفة الناس فلوس ؟

فؤاد : لا خيره . . معرفة الناس بتوسع المنح . . كل الناس . . حتى لو كانوا مش لونك . . او كانوا اعداك . . لازم الواحد يعرف ويشوف ويفهم ، تصور لما محمد كلمني عنك فكرت في ايه ؟

محمد : في ايه ؟

(الضوء يميل الى اللون الأصفر ويشح

بالتدريج)

فؤاد : مش حتصدق . . فكرت انك تكتب لي رواية للسينما .

محمد : دي رشوه بقي .

فؤاد : انا باتكلم جد . . طب بضمك انا مش سالتك مو بيكتب ولا لا .

محمد : (لحمود) قلت له انك كنت بتكتب شعر . . زمان طبعا . .

فؤاد : حتى لو ما كنش فكر خالص في الكتابه . . مش كل الناس بتعرف امكانياتها هما يعني الممثلين والممثلات اللي اكتشفتهم اتولدوا ممثلين ؟

محمد : لكن اسمني فكرت ان محمود بالذات يالف لك روايه ؟

فؤاد : مجرد احساس . . وطبعا ممكن اكون غلطان . . الاول

لما قلت لى انه مش عايز يغير رايه فى القضية ، تخيلته
وهو بيدرس قضية البت دى (ثم موجه الحديث لمحمود)
تصورتك بتتخيل قصه ميلودراميه بينى وبينها هى
البطله الضعيفه ، وانا الشرير اللى القدر وقعها فى
ايديه ، حاجة كده زى افلام فانتن حمامة للقديمة ..
وبعدين مخى سرح وابتديت انا كما اتخيل القصة ،
بس زودت عليها شخصيه .. الشخصيه دى انت
نفسك .. محامى متقف مثالى بيدافع عن البطله
المسكينه .. وطبعاً يقع فى حبها .. سورى .. دى مجرد
قصه تانيه خالص .

محمد : وطبعاً القصة حتمتلى نهايه سعيده .

فؤاد : مش مهم .. المهم فكرت مين يكتب القصة دى ، مالفقتش
غير الأستاذ محمود نفسه .. للكتابه عايزه شوية خيال
واسع ، وحنة تفكير مثالى او اخلاقى ومتها لى الصفتين
دول موجودين فيك .

محمد : بس انت واثق ان محمود حيوافق يكتب للسينما .. مش
جايز رايه وحش فيها ؟

فؤاد : انا متأكد ان رايه فيها وحش جدا .. لكن هو حيكتب
القصة ويسيب الباقي علينا .. الا اذا كان بيعتبر نفسه
احسن من نجيب محفوظ مثلاً .. هاما .

محمد : طب نساله هو .. ايه رايك ؟

محمود : (يجسرك يده ويهم بالكلام لكنه يهز كتفيه ولا يتكلم) .

فؤاد : عيب كل المثقفين في بلدنا انهم بيثوفوا العيوب ، لكن ما حدش فيهم بيحاول يصلحها ..
(الضوء يتقطع على فترات متباعدة ثم بايقاع أسرع) .

فؤاد : اذا كان رايك في السينما بتاعتنا كده أدى فرصة ، ليه ما تعملش انت حاجة كويسة ؟؟ .. ماتفتكرش اني ضد عمل فيلم نضيف .. انا شخصيا عملت افلام هلس كثير .. لكن وقتها راح .. مابقتش تجيب تمنها .. سبناها للى دخلين الكار جديد .. فلوقت كل ما يكون الفيلام نضيف وثورى ، كل ما ارباحى زادت .. انا بكلمك بصراحة ، امريكا النهارده بتعمل افلام هادفة .. بتنتج افلام ضد امريكا .. ماببخافوش .. يعنى الافلام دى حتعمل ثورة مثلا ؟ بالعكس بتثبت للعالم ان امريكا فيها حرية وديمقراطية .. الناس دى بتفكر صح .. العالم بيتطور ولازم نجاريه .. نص الافلام بتاعتى بتتوزع النهارده فى اسواق جديدة ، انا لسه بايع ست افلام لروسيا ، اربعة منهم ميلودراما قديمة والباقيين هادفين .. انا بطالب بحماية الفيلم العربى انشالله بمنح الافلام الأمريكانى ..

محمود : (مازحا) عشان بتسرك افلامك منهم .

فؤاد : انا بطالب بفرض قيود على توزيع الفيلم الهندى ؟

محمود : عشان بينافس افلامك فى السوق ؟

فؤاد : انا مش ضد القطاع العام فى السينما •

محمد : لكن ضد التأميم •

فؤاد : انا اكثر واحد تعاونت مع القطاع العام •

محمد : قصدك سفيت منه •

فؤاد : انا عملت افلام وطنية مليانه افكار اشتراكية •

محمد : على طريقتهك •

فؤاد : بالمناسبة فيه مهرجان سينمائى الشهر الجاى فى موسكو ••

مش عايزين حاجة من هناك ؟

(يشح الضوء بحيث لا نتبين سوى اشباح الثلاثة)

وبعد ثوان يعم الظلام الكامل الى نهاية المشهد ••

فؤاد : البشر هما البشر فى كل مكان وزمان •• ولازم ناخذ

بالنا من حاجة مهمه •• التجارة شىء والمبادئ شىء ••

وكل بلد النهارده بتدور على رفاية شعبها ، من حق

كل شعب يبني بلده زى ما هو عايز •• انا راجل

ليبرالى حر •• لا اومن بيمين ولا بيسار •• لكن مؤمن

بالرفاهية والثروة •• احنا بتضيق علينا فرص كتيرة

للتقدم عشان خايفين وده غلط •• بنخاف م الشيوعيين

والاخوان • مع ان الاثنين بينادوا بفكر انسانى مثالى •

ليه مايسبوش كل واحد يفكر زى ما هو عايز ويكتب زى

ما هو عايز •• الحفيا حثتهد ؟ لا عمر البلد جتيفي

شيوعية ولا اخوانية ولا حتى وفدية •• لو كانت البلد

عازت بجد كانت بقت كده ولا كده •• تفتكر الامريكان

عايزين الرأسمالية ولا الروس كانوا عايزين الاشتراكية ؟

ابدأ •• دول عملوها بالقوة ودول عملوها بالقوة ••

تقدر تقولى الصين النهارده مع روسيا اكثر ولا أمريكا ؟
النهاردة أمريكا بتزعزل حلفاءها عشان خاطر الروس ..
والعرب بيثييلوا فلوسهم فى أوروبا .. وأوروبا بتناقض
الجميع .. وآسيا نصها مع دول ونصها مع حول ..
والعالم الثالث كل يوم برأى ومع ناس شكل ..
والعالم العربى بيموت فى الأمريكان .. تقولى طب ايه
مستقبل العالم ؟ اقولك فى التجارة .. التجارة حتقرب
بين العالم .. أنا راجل تقدمى .. أنا مؤمن بأن الناس
فى أى حتسه فى الدنيا عايزه تعيش حنره .. على
مزاجها .. عايزه المتعة وراحة البال مش عايزه مشاكل
ووجع قلب ، احنا شعب متدين لكن عمرنا ما حنبقى
أخوان .. وشعب فقير ، لكن عمرنا ما حنبقى
شيوخ عيين .. التعصب وحش ، بيخلى الواحد يتصور
ان أفكاره هى الواقع .. والواقع ما حدش يقدر يشوئله
على حقيقته الا الانسان الانسان المحايد .. وأنا راجل
محايد ووطنى حر .. أسألنى اقولك .. الفلاحين بيحبوا
ربنا .. والمتقفين بيحبوا نفسهم .. والطبقة المتوسطة
بتحب للتلفزيون وشارع الشواربى ، والطلبة فى
الجامعة بيحبوا بعض ، وأنا بحب العمال والطبقات
الكامحة لانهم بيحبوا السينما .

محمد : (بمزاح) فؤاد بيه .. انت مش حاسس انك زوتتها
شويه ؟

فؤاد : ابدأ .. ابدأ .. طب نسال الأستاذ محمود .. انت ايه
رايك يا أستاذ محمود ؟

(صمت طويل نسبيا ..)

موسيقى تبدأ خافتة ..

ثم ترتفع بالتدرج حتى المشهد التالى (

المشهد الثالث

- بعد مرور اسبوع •
- محمود يقف أمام المكتب وظهره للجمهور •
- يجلس باسترخاء للمكتب ويمد ساقيه فوقه •
- جرس التليفون يدق •
- محمود ينظر للتليفون •
- يبدأ في العبث بفتاحة الأوراق •
- التليفون يتوقف عن الدق •

(يظهر صادق عند الباب ويقول بصوت متردد)

صادق : استاذ محمود ك

محمود : (يلتفت نحوه)

صادق : اعملك شاي ؟

محمود : (يهز رأسه بالنفي)

صادق : قهوة ؟

محمود : (يهز رأسه بالنفي)

(صادق يهم بالانصراف ، بينما يدق جرس
التليفون ، صادق يلاحظ أن محمود لا يرد على
التليفون ، يتوقف ثم يعود خطوة للداخل)

صادق : طب ارد ؟

محمود : (لا يلتفت له)

(جرس التليفون يتوقفت)

• صادق يهز رأسه بيأس ثم يخرج

• محمود يعود للعبث بالفتاحة

يمد يده ويفتح الراديو .. الراديو يذيع بعض

• الاعلانات التجارية)

• صادق يدخل

• صادق : الست فتحة

محمود : (ببطه ناظرا للسقف) قلت لها انها خسرت القضية ؟

صادق : (بدهشية) لا طبعا يا فندم .. ده الحكم لسه

• ما صجرش

- محمود : (لا يرد)
• صادق : انخلها ؟
• (محمود يومئ برأسه .. يخرج صادق ..
محمود يطلق الراديو .. تدخل فتحية) ..
• فتحية : صباح الخير يا استاذ .
• محمود : (بفتور) أهلا .
• فتحية : هو حضرتك مشغول ؟
• محمود : لا ..
• فتحية : أصل عم صادق قالى ان حضرتك مش فاضى تقابل حد .
• محمود : كويس انك جيتى ، كنت عايز ابلغك انى مش ح احضر
جلسة بعد بكره .
• فتحية : ليه ؟ خير يا استاذ .
• محمود : اعتبرينى منسحب من القضية .
• فتحية : ياندامتى .. لهو حضرتك مسافر أبو ظبى انت كمان ؟
• محمود : لا ..
• فتحية : لازم بقى .. (تسكت لحظة) والله انا مكسوفة منك
خالص ، انما وحياء ربنا الاتعاب حتوصلك بكره فى
الجلسة .
• محمود : مش ده السبب .
• فتحية : أمال ليه ؟
• (محمود ينظر لها طويلا .. ثم ينهض ويتمشى)
قليلًا .. فتحية تتابعه ببصرها) ؟

محمود : ايه السبب اللي خلاكى انتى ترفعى قضية ؟

فتحية : نعم ؟

محمود : ليه لجاتى للمحكمة عشان تاخدى حقك ؟

فتحية : امال كنت اعمل ايه ؟

محمود : انتى .. انتى مستنية المحكمة تعملك ايه بالضبط ؟

فتحية : (بدهشة) ايه الأسئلة الغريبة دى يا استاذ ؟ العمل

عمل ربنا .. هى الحاكم مش معموله عشان المظلوم يشتكى فيها ويأخذ حقه ؟

محمود : (يسبكت)

فتحية : والذبحى ما انا فاهمه حاجه ، يعنى عايزنى اتنازل عن

القضية ؟

محمود : (بفتور) انتى حره .

فتحية : لا يا استاذ .. قول كلام تانى .. انا فهمت .. ايوه ماهو

انا غلبانه وعلى قدى .. طبعا فؤاد بيه اكلك عشان

تسيب القضية .. كلكم على .

محمود : انتى فهمتى غلط .

فتحية : لا وحياء النبى ده ملعوب .. ايوه كلكم بهوات واتفقتوا

على ..

(ثم تبكى)

محمود : (بضيق) من فضلك بلاش عياط .

فتحية : كده برضه يا استاذ ؟ كده تخلابى وانا اللي كنت

متعشمة فى مروعتك .

محمود : قضيتك خسرانه .

فتحية : لكن انت قايلى ممكن اكسبها .

محمود : كنت مغفل .. فى المحاكم محدش بيكسب حاجه .. ثم انتى عايزه ايه م المحكمة ؟ عايزاها تجوزك فؤاد بيه ولا تشغلك فى السياما ولا تحكّم لك بتعويض .

فتحية : اهو اللى للقاضى يحكّم بيه .. المهم يترد لى شرفى .

محمود : شرفك مش حيترد لك ابدا .

فتحية : يعنى ايه بقى ؟

محمود : مسألة الشرف دى سيبك منها خالص .. لو مكانش فؤاد بيه عمل معاكى كده كان غيره حيعمل .

فتحية : طب ودين النبى هما موكلينك ا

محمود : (ينظر لها بغيظ) مادام كده يبقى مستنيه ايه ؟ مع السلامه .

فتحية : (متراجمة) ماهو انت يا استاذ كلامك غريب ، زى ما يكون حد قساک على .

محمود : اسمعى .. انتى رحتى لفؤاد وانتى عارفه ولا لا ؟

فتحية : عارفه ايه ؟

محمود : اللى حيعمله معاكى .. وكنتى موافقه وراضية لكن هو اللى رفض لأنه شعبان زيادة عن اللزوم .. مش دى للحقيقة .

فتحية : طب والكعبة الشريفة ..

محمود : لا هي دي الحقيقة . انتي بتكذبي . . كنتي عارفه ايه
اللى حيحصلك لما تروحي لناس زي دول . . انتي اللى
كنتي عايزه تبينى نفسك هما اللى مارضوش يشتروا .

فتحية : انت معايا ولا ضدى يا استاذ ؟

محمود : مكانش لازم تكذبي على .

فتحية : انا ما بكذبش يا استاذ ، هما اللى ضحكوا على . . لما
رحت لهم الفيلا . . عبده الريجيسير قالى اقلعى عشان
البية يشوف جسمك ينفخ فى السیما ولا لا . . وبعد شويه
قام مشى . . عبده استفرد بى . . رحى لفؤاد بیه
الاستوديو . . طردنى .

محمود : يعنى عبده اللى استفرد بيكى .

فتحية : وطردنى زى الكلبه .

محمود : امال ليه اتهمتى المنتج ؟

فتحية : ماهو برضه السبب . . لو كان شغلنى فى السیما
مكانش همنى حاجه . . لكن ده اهسانى وداس على
كرامتى . . لازم افضحه .

محمود : مايفيش فايده من ده كله . . قضيتك خسرانه .

فتحية : طب كلم فؤاد بیه يدفع لى تعويض وانا اتنازل .

محمود : كده ؟

فتحية : أيوه . . خسرانه . . خسرانه . . لكن ح افضحه برضه . .
حاوسخه زى ماوسخنى . . لو كان عايز يشتري
سمته يدفع لى .

- محمود : ويفضل هو نضيف ؟
فتحية : بفلوسى أبقى انصف منه .
محمود : الغريبة ان فؤاد بيه لمح لى انه مستعد يدفع .
فتحية : يبقى خلاص .
محمود : متأسف انا مش مستعد .. دورى على واحد بلطجى
يعمل لك الحكاية دى أحسن منى .
فتحية : بلطجى ؟ طب ده المحامى الللى قبل منك هو الللى شآر على
بكده وقالى كمان انه حيفضحه فى الجرايد لحد ما يدفع .
محمود : (يسكت) .
فتحية : طب دلنى على حل تانى .
محمود : (لا يرد) .
فتحية : (بخيبة أمل) لكن دى الجلسة بعد بكره يا استاذ ..
انصحنى أتصرف ازاي .
محمود : دى مشكلتك انتى .. تروحي تبوسى رجله .. تروحي
تضربيه سكينه .. الللى يعجبك .
فتحية : يا نهار اسود .. اقتله ؟ ولما اضيع نفسى حينوبنى
ايه ؟
محمود : نفس الللى حينوبك لو سكتى .
فتحية : وانت الللى متعلم وقارى القانون كله بتقول كده .
محمود : القانون عندك اهو بحاله ، خديه اذا كان يفتعك .
فتحية : يعنى انت لما يكون حد ظالك تقتله ؟

- محمود : (يسكت وقد فوجئ بالسؤال)
- فتحية : ماترد يا استاذ
- محمود : (بصوت خفيض) لا
- فتحية : اشمعنى ؟
- محمود : لأنى .. لأنى مقدرش ..
(ثم يضع فتاحة الأوراق بحركة لا شمورية وكان يعبت بها)
- فتحية : بس انا مش جبانه يا استاذ
- محمود : (بمل وهو يعطيها ظهره) طيب .. طيب
- فتحية : أيوه ، انا ماخافش غير م اللى خالقنى ..
فتحية تقف لحظة .. ويسود صمت .. ثم تسرع خارجة .. مرة واحدة ومحمود لا يكاد يشعر بها)
- (يدخل صادق ، ويضع فنجان قهوة على المكتب)
- صادق : للقهوة يا متر
- محمود : (ينظر له بضيق)
- صادق : (بخوف) ده بن كويس يا متر .. انا عايز اخدم والله ..
- محمود : صادق
- صادق : (بخوف ، يرفع فنجان القهوة فى الحال) طيب بلاش ..
بلاش

محمود : صادق ..

صادق : (يقف متوجسا) أفندم ؟

محمود : ليه الناس بتروح المحاكم ؟

صادق : هيه ؟

محمود : ليه الناس بتروح المحاكم ؟

صادق : برضه ربنا له حكمة فى كده .. واهى أرزاق ناس يا متر ..

يعنى لو مكانش فيه قضايا ومحاكم كنا احنا عملنا

ايه ؟ شحتنا ولا مؤاخذه ؟

محمود : (يهز رأسه) تمام ..

صادق : (يضع فنجان القهوة ثانية بثقة) القهوة يا متر ..

خدمه ثانية ؟

محمود : أشكرك ..

(يخرج صادق)

(محمود يمسك بعدة أوراق ويقرأ هامسا .. حضرات

المقضاء .. حضرات المستشارين .. القضية المعروضة

إمام عدالتكم اليوم)

(يسكت ، يبتسم ويتمتم من بين شفطيه .. أرزاق)

(يمزق الأوراق بهدوء ويتركها تتناثر من بين

أصابعه .. يمد يده بحكم العبادة باحثا عن فتاحة

الأوراق ، لكنه لا يعثر عليها .. يرفع رأسه وينادى)

صادق ..

صادق : (يدخل) أفندم ..

محمود : ماشفتش فتاحة الورق اللي كانت ع المكتب ؟

صادق : لا .. اشوقها لمساعدتك (يبحث فوق المكتب)
(تدخل نبيلة بنشاط وتبجو عليها بالبهجة)

نبيلة : ايه الحكاية .. بضرب لك تليفونات مابتدش ليه ؟
محمود : يمكن عطلان .

صادق : (يرفع رأسه وينظر لمحمود بدهشه لأنه يكذب بخصوص التليفون .. وعندما يرد له محمود نظراته يسرع بالكلام)
مش لاقيتها .. لكن ضرورى ح اعتر عليها وأنا بنصف الأوضه .

نبيلة : آه صحيح .. ايه الورق ده كله .. ازاي قادر تقعد فى الفوضى دى ؟
(نبيلة تنحنى لجمع الأوراق الممزقة .. صادق ينحنى معها بسرعة)

صادق : عنك انت يا ست نبيلة ، الله دى مذكرة القضية بتاعت الست فتحية .

محمود : حطها عندك فى سبت الزباله .. وابقى روح بكره تشوف لها محامى تانى .
(صادق يهز رأسه ويضع الأوراق فى سلة المهملات ويخرج)

نبيلة : مش دى القضية اللي ماسكها قدام محمد .
محمود : ايوه ..

نبيلة : أحسن برضه أنك سبتتها .. واية اخبار القضية اياها ؟
محمود : لسه ميعاد الجلسة فاضل عليه شهر .

- نبيلة : انا حاسه اننا حنكسبها المره دى :
- محمود : حتناجل .
- نبيلة : ايش عرفك ؟
- محمود : كل شىء بيقول كده .
- نبيلة : اتوك بلاش نشيل الهم من دلوقتى .. اصلى النهارده مبسوطه ..
- محمود : (ينظر لها بتساؤل)
- (تزيج شيئا من على كتفه باناملها ، وبلهجة صبيانية)
- نبيلة : قوللى مبروك .
- محمود : مش اعرف ليه ؟
- نبيلة : بس قول وخلص .
- محمود : (بفتور) مبروك .
- نبيلة : الله يبارك فيك .. اسالنى بقى ع الخبر .
- محمود : انتى رايقة قوى يا نبيلة .
- نبيلة : وح اطير م الفرح كمان ، ما هو الخبر يا سيدى ان امبارح ، جالى عريس .
- محمود : عريس ؟؟
- نبيلة : آه ، انما ايه .. لقطه يابنى
- محمود : وبعدين ؟
- نبيلة : ولا قبلين .. دى تالت مره يتقحم لى .. كل ما ينزل .

أجازة يبجي يزورنا والشبكة فى جيبه .. شوف
يا سيدى .. مهندس .. وبقاله فى الكويت خمس
سفين .. عنده عربيه فولفو .. الشبكة خاتم سوليتير ،
الشقة فى الكويت جاهزه بكل أدوات المنزل الحديث من
الايركوندشن .. الى الكتشن ماشين .. يبلغ من العمر
حوالى أربعين سنه .. يقدر الحياة الزوجية .. مستعد
يكتب الكتاب بكره ويسافر بيا بعد بكره .. ايه
رايك ؟

محمود : عايزانى اقول ايه ؟

نبيله : هو قاللى عندك يوم بحاله تفكرى وتقررى .. اصله
مسافر فى ظرف اسبوع .. وانت عارف باسيورى جاهز
من أيام ماكنت رايجه دى .. ماما وبابا .. قالولى
دى آخر فرصه ، فوقى لفتى مش صغيره .. انتى
عندك خمسة وعشرين سنه ، وده حيهنيكى ويستتلك ،
قلت لهم هو فعلا عريس لقطه بس خساره (تقترب منه
وتلف ذراعها حول عنقه) أصلى بحب واحد اسمه
محمود .. هو صحيح مايستاهلش حبي ، لكن اهو بقى ..
قسمتى .

محمود : (باهتمام مفاجئ) قلتى كده فعلا ؟

نبيله : (تهز راسها بالايجاب)

محمود : وبعين ؟

نبيله : (تبتعد عنه بحركة تمثيلية) لا .. انا زعلانه منك .

محمود : (ينظر لها بعدم فهم)

نبيلة : ايه .. مش عاجباك تسريحتي الجديدة ؟ اخص عليك .

• ده أنا قصيته مخصوص عشانك .

محمود : وبعدين يا نبيله .. حصل ايه ؟

نبيله : (مبتسمة وملتذذة باهتمامه) طبعا ماما اغمى عليها

م الزعل ، وبعد شويه خنساق وعكننه حصل المراد ،

وحمااتك المزيظة بتهديك السلام وبتقولك اتفضل شرف

بكره حيعجبك البن بتاعنا .

محمود : (يظفر لها قليلا ثم يتمشى) مش عنارف اتورك ايه

يا نبيله .

نبيلة : فى ايه يا خبيبي ؟

محمود : انتى ايه اللي خلاكى تقوليلهم دلوقت اننا حنقجوز .

نبيله : ما احنا كان لازم حنقول .. ثم انا اضطريت .

يظهر محمد لمح لهم بحاجه .. لكن انت مالك ؟

محمود : (بهدوء) نبيله .. انا مش ح أقدر اتجوزك .

نبيله : (تظفر له مبهوته) .

محمود : (يقتررب منها ويتناول يديها بين يديه) انا بحبك ..

وعمرى ما أقدر احب واحده غيرك .. لكن دلوقتى ..

ارتباطنا .. قصدى .. (ويتلعثم) .

نبيله : (هامسة) ايه اللي حصل يا محمود ؟

محمود : (يسحبها من يديها ويجلسها على الأريكة ويجلس

بجوارها) نبيلة ، اذا كنتى بتحبينى ، حاولى تفهمينى

.. ولو ما قدرتيش حاولى ع الأقل تسامحينى .. يا

نبيلة انا .. (لكنه يعجز عن الكلام) .

نبيله : محمود .. مش لازم تتكلم دلوقتى .

محمود : (يقف فجأة بعصبية كأنه مفتاظ من نفسه) لا ..
لازم اتكلم .. من حقك انى أشرح لك موقفى .. انا
فقدت ايمانى بكل الناس .. وبكل شىء حتى نفسى ..
بقيت اكره الناس .. كل الناس .. والزحمة ، والضجة ،
الضحك الغبى اللى مالوش معنى .. البكا الأبله ..
الحماس الفاضى والخطب .. والكتب والكلام .. الكلام
بكل انواعه .. كل يوم بيهر بحس انى يبعد عنهم ، انى
غريب ، مش منتمى لآى شىء .. انى بيعيش كابوس ..
ساعات بترأودنى خيالات شريرة ، أتصور كارثة
بتحصل .. وانا هادى .. ساكت .. سعيد سعادة
غريبة ، غامضه كأنى بفتقم من روحى .. انا فقدت القدرة
على الحب يا نبيله .. مايقتش أحب نفسى زى زمان ،
ولا أحترمها ، مايقتش أحترم حد .. انا زى ما أكون
قبله زمنيه حتنفجر فى أى لحظة .. بسمعها جوايا
بتحق كأنها النبض اللى فى جسمى .. زى ما أكون
فقاعه كبيره ، زى كدبه بايخه ، سراب ، وهم .. زى ..
لا مش ده اللى عايز أقولهولك ، مش ده .. انا عارف
انى سخيف وعاجز و .. .

نبيله : (نأهضة) محمود .. انت مش فى حالة طبيعية ..
صحقتنى ، لازم تساعد نفسك .. تعال نخرج نروح حته
فيها هوا .

محمود : لا يا نبيله .. انا انسان مريض .. كنت بكذب عليكم
وعلى نفسى .. لكن انا فعلا مريض .. بحارب طولحين
الهوا .. كذبت لما قلت انى بحاول أنقذ نفسى .. محم
كان عنده حق لما قال انى عايز أصلح الكون .

نبيله : قوام نسيت اللي قلتولي ؟ مش قلت لي انك حطفت
راسك في صبرى وتنسى كل حاجة ؟ ليه تبعد عنى كل
ما تكون محتاجنى .. كل ما تكون لازم تقرب منى ؟ ليه
تكره نفسك في اللحظة اللي لازم تحترمها .. ايه اللي
خايف مفيه ؟

محمود : خايف من نفسى يا نبيله .. مش عارف ايه اللي ممكن
يحصل لي يكره .. ممكن ابيع نفسى .. ممكن ابقى زى
محمد ، او زى فؤاد بيه ، ممكن اتجنن او انتحر ..
اضيع نفسى على اى صورة من الصور ، لكن مش ممكن
استهر زى ما انا ، لازم يحصل حاجة .. اسافر ..
اهاجر .. اغير مهنتى .. كل شىء محتمل ، عشان كده
مش لازم اربط مصيرى بمصيرك .. مش لازم اعذبك
معايا .

نبيلة : (تحيط وجنتيه براحتيها وترفع ثفته لينظر فى عينيها)
بالعكس يا محمود .. مصيرنا لازم يبقى واحد - بص
لي .. انا مش خايفة .. انا مستعدة لآى حاجة .. احنا
حنعرف ازاي نخلق سعادتنا ، نخلق لنا دنيتنا ..
مايهمكش حاجة .. اذا ماكنتش عايز الشغل ، بلاش ..
نقدر نعيش بماهيتى .. نقدر ناخذ اوضه فوق
سطوح ، فى عشه .. مش حنموت ابدا ، حنعيش ،
حنعيش زى بقية الناس اللي عايشين .

محمود : دى اوهام يا نبيله .. ماحدث يقدر يصنع سعادته
لوحده ، مستحيل نحارب عشان نفسنا وبس .. عشان
سعاده يقيم جبانه الهاش معنى .. مستحيل .

نبيله : (باحساس من يوشك على الفراق) وانا يا محمود ؟

ما فكرتس في ؟ ما فكرتس ايه اللي ممكن يحصل لي من غيرك ؟

محمود : انا مش بتخلي عنك يا نبيله .. ابدأ .. انا عايزك ، لكن خايف عليكي من نفسي .. مش بايدي ، صدقيني .. حبك وحنانك اغلى شيء في حياتي وأكثر شيء بيعذبني ..

نبيله : (تتراجع خطوة وتنظر له وكأنها لا تعرفه) لا ، انت اناني ، أنت فعلا اناني .. انت هس يا محمود .. أيوه .. ما انتاش بطل ..

محمود : أرجوك يا نبيله ..

نبيله : اتفقنا .. ح أسيبك ، لكن المره دي بجد .. فاهم ؟ مش حتسوفني تاني .. عمري ما ح اغفر لك اللي عملته معايا ..

(تتحرك لتأخذ حقيبتها)

محمود : نبيله ..

نبيله : ولو اتجوزت في يوم يا محمود ، مش ح أضعف ، مهما كان الراجل اللي ح اتجوزه ، مش ح انعم .. لأنني النهارده بس عرفت معنى الخيانه .. (يتهدج صوتها ، محمود يندفع ويمسك يدها)

محمود : نبيله حبيبتى .. انتي ما فهمتنيش .. انا .. انتي .. انا مستعد اتجوزك .. و .. ودلوقتي حالا .. لكن انا مش مستول .. انا ..

نبيله : وأنا مش بشحت منك .. (تجذب يدها وتخلصها من يده) اللي قلته كفايه .. اللي كان مستحيل بقي حقيقه .. انت علمتني ازاي اكرمك .. اوعى (يدخل محمد فجأة)

محمد : نبيله ، محمود .. ايه الحكايه ؟
(نبيلة ومحمود يجمدان لحظة ، ويتحاشيان النظر للى
محمد) .

(محمود يخرج فجأة مسرعا دون كلمة) .

محمد : (يتحرك خلفه) محمود .. الله .. استنى بس ..
محمود .

(نبيلة تسوى شعرها وملايسها وتهم بالخروج)
(محمد يستشير عائدا اليها ويعترض طريقها) .

محمد : نبيله .. مش تفهمينى ايه الللى حصل .

نبيلة : (بكبرياء) مانيش .

محمد : (يمسك يدها) مش ممكن اسسبك تخرجى وانتى فى
الحاله دى .

نبيله : (تتجمع الدموع فى عينيها ويتهدج صوتها) أرجوك
يا محمد .

محمد : (باسى) بلبل تعيط ؟؟ ده معقول ؟

(نبيلة تجهش بالبكاء دفعة واحدة رغما عنها) .

(محمد يحتضنها بلا مقاومة منها) .

(محمد يغمض عينيها بارتياح نفين ويقول ببطه) ..

نبيله .. نبيله حبيبتي .. مانيش حاجه فى الدنيا

تستحق دموعك .

(ستار الفصل الثانى)

(الفصل الثالث)

المشهد الأول

- بعد مرور عشرة أيام .

- صادق نائم على مقعد المكتب وقد أسند رأسه فوق يديه . . يدخل محمود بعد لحظة ويبدو مرهقا وقد طالبت ذقنه ، يقف وينظر لصديق ثم يجلس على المقعد الموضوع أمام المكتب ويطوح رأسه للوراء . . لحظة صمت ، ثم يفتيق صادق ، بفاجأ بمحمود . . يهب واقفا .

- صادق : الأستاذ ؟
- محمود : (لا يتحرك ولا ينظر له) .
- صادق : لا .. لا مؤاخذه .. اصل خدتنى سنة نوم .. اتفضل
يا متر .
- محمود : خليك .
- صادق : اتندم ؟
- محمود : المكتب لايق عليك .
- صادق : (بخجل) العفو يا فندم ، وأنا ايه يوصلنى .
- محمود : (وكأنه يحدث شخصا غير صادق) ليه محدش عايز
يصدقنى ؟
- صادق : يا فندم (ثم يسكت ويجلس منفذا امر محمود بتردد)
حاضر (ثم لا يلبث أن ينهض مسرعا دون اقتناع
لا .. مش ممكن .
- محمود : ماحدث نسال عليا ؟
- صادق : كتير يا متر ، وأنا قلقت على خضرتك وماكنتش عارف
اتصرف ازاي .
- محمود : نبيلة ماجتس ؟
- صادق : (بهم بقول شيء ثم يغير رأيه) لا .
(محمود ينهض ويتمشى ، صادق يتابعه بحيرة
وقلق ودهشة) .
- صادق : الظرف ده جه لسيادتك امبارح .
(محمود ينظر للمظروف فى يد صادق ، ولا يتناوله
صادق يضطر لتركه على المكتب) .

- صديق : هو لأمؤاخذه حضرتك كنت مسافر ؟
- محمود : مين اللي سال عليا ؟
- صديق : (مرتبكا) للزباين طبعا ٠٠ و ٠٠ (ثم يسكت) .
- محمود : (متلفنا اليه الآن فقط وبشك) وايه ؟
- صديق : و ٠٠٠٠٠ وحضرة وكيل النيابة .
- محمود : (بعدم فهم) وكيل النيابة ؟
- صديق : ايوه ٠٠ هو حضرتك ماعرفتش باللي حصل ؟
- محمود : بخصوص ايه ؟
- صديق : القضية ٠٠ قضية الست فتحية .
- محمود : أنا مش قلت لك تحضر وتأجلها .
- صديق : ماهو اصل يا فندقم . يوم الجلسة ، هو حضرتك كنت مسافر ؟؟
- محمود : انت مابتتكلمش على طول ليه ؟
- صديق : مافيش يا فندقم ، انا فاكرك عرفت باللي حصل
- محمود : أنا مش فاهم حاجه .
- صديق : القضية يا فندقم .
- محمود : مالها .
- صديق : ع العموم القضية نفسها مش مهمه .
- محمود : آمال ايه ؟

صديق : اللى حصل بعد القضية وحضرتك مسافر .. مش برضه
حضرتك كنت مسافر ؟

محمود : (بعصية) ايه اللى حصل ؟ اتكلم .

صديق : (يتكلم فورا) الأستاذ محمد يا فندم .

محمود : ماله .

صديق : (بسرعة شديدة) بعد الجلسة ، وهو خارج مع فؤاد بيه
قدام باب المحكمة ، فتحية هجمت عليه وحاولت تقتله .

محمود : تقتل مين ؟

صديق : (بسرعة شديدة) فؤاد بيه .. الأستاذ محمد حاول

يحوش عنه ، جت الضربة فيه هو ، تفلوه ع المستشفى .

محمود : (يسكت ناظرا له فى ذهول) .

صديق : انت كنت فين يا متر ، ده وكيل النيابة سأل على حضرتك

مرتجين .. اسمه طلعت بيه ، ويعرف حضرتك كويس .

محمود : الكلام ده حصل امتى ؟

صديق : بقول لحضرتك بعد الجلسة ، من حوالى تسع تيام .

ماهو فؤاد بيه كسب القضية وظلع براه .

محمود : ومحمد لسه فى المستشفى ؟

صديق : لا .. خرج تانى يوم .. الجرح بسيط .. يوب ثلاث

أربع غرز ، جت سليمة .

(محمود يتحرك ناحية الباب ثم يقف ويلتفت

لصديق) .

محمود : انت متأكد ان نبيله متصلتش خالص ؟

صادق : لا ، يسئ الاستاذ محمد فات امبارح وساب لك الظرف ده .

• (محمود يعود ويتناول المظروف ويتأمله)

صادق : (وكأنه يهرب) أروح أعمل لسيادتك فنجان قهوة .

(محمود يبحث عن فتاحة الأوراق ، ثم يهم بفتح

المظروف)

• (صادق يعود في الحال)

صادق : طلعت بيه وكيل النيابة .. اخلية يتفضل ؟؟ (لكن طلعت

يدخل ومعه كاتب)

طلعت : صباح الخير .. ازيك يا محمود .. متأخذنيش لثقت

الباب مفتوح .

• محمود : أهلا .

تثقت : ايه ده يا راجل .. كذت فين .. بقالي ثلاث أيام

• مستنيك .

• محمود : مستنييني ؟ (ثم يلحظ وجود الكاتب المرافق لطلعت)

طلعت : لكن ولا تزعل يا سيدي .. أديني جت لك بنفسى ، مش

حتقولى اتفضل (ويجلس بالفعل)

• محمود : اتفضل .

طلعت : (يشير للكاتب فيجلس ثم يلتفت لصادق) ممكن نشرب

• اتنين ع الريحه .

• صادق : طبعا يا سعادة البية (يخرج صادق)

طلعت : سلامات يا محمود .. واحسنى والله ... سيجارة ؟

• محمود : (يتناول منه السيجارة كالنوم)

طلعت : والله زمان .. وحشتنا أيام الكلية .. ومناقشاتنا
ع الكافتريا ، فاكرك ؟

محمود : (يهز رأسه) .

طلعت : أنا فيا شيء لله ، تصور انى حلمت ببيك قريب (يشعل
سيجارته ثم يكمل) قبل الحادثة ما فيش يومين تلاته .

محمود : تقصد حادثة فتحية ؟

طلعت : أيوه ، الا صحيح ايه الموضوع ده ؟

محمود : أنا ما عرفتش بيه غير دلوقتى ..

طلعت : لا ؟؟

محمود : انت اللى ماسك التحقيق ؟

طلعت : أيوه يا سيدى .. شفت بقى الصدف ؟ لحسن ماكنتش
بتؤمن بالصدف .. ولا غيرت رأيك ؟ (ويضحك) .

محمود : لا .. أبدا ..

طلعت : طب أدريك وقعت فى ايدى اهو .. أما نشوف بقى حتغير
رأيك ولا لا .

محمود : ما افتكرش فيه سبب يخلينى اغيره .

طلعت : ااره دى لازم تغير رأيك ونص ، لأن ده فى مصلحتك .

محمود : وأنا ايه علاقتى بالحادثه ؟

طلعت : ولا حاجة .. بس المتها بنقول أنك حرصتها تقتل فؤاد
بيه .

محمود : (ناهضا) أفهم من كده انى متهم ؟

- طلعت :** (ضاحكا) مش بقولك وقعت فى ايدى •
- محمود :** (ببرود) ومستنى ايه ماتبتدى التحقيق •
- طلعت :** الله ، انت زعلت ؟ يا راجل ، ده انا بهزر معاك •
- محمود :** انت عارف انى مش مؤمن بالصفه ، يعنى اى حزار من النوع ده ح افسره انه مقصود •
- طلعت :** كده ؟ طب ولما قلت لوكلتك ان مافيش حل غير انها تعتدى ع الراجل كنت بتقصد كلامك دا بجد ولا كان مجرد كلام بالصفه ؟
- محمود :** (يسكت وقد فوجىء) •
- طلعت :** شفت ؟ ؟ اسمع يا محمود يا خويا •• انا جاي ادرش معاك •• انسى حكاية التحقيق دى خالص دلوقت •
- محمود :** (يلتفت للكاتب بنظرة ذات مغزى) •
- طلعت :** (ضاحكا) بالشرف جه معايا صفه •• لو تحب نقعد لوحنا ، ما عنديش مانع •
- محمود :** بس انت مضطر تحقق معايا بشكل رسمى ، ان مكانش دلوقتى ، يبقى بعدين •
- طلعت :** والله انا ماسك القضية دى وانا متاذى وربنا عالم •
- محمود :** عشان كده كبست على اول ماوصلت •
- طلعت :** صفه برضه •• طب انا اعرف منين انك لسه واصل ؟ انا ايز او فر عليك مرواح النياية •
- محمود :** وانت ليه خدت كلامى جد •• مش جايز بهزر انا راخر ؟

- طلعت : مش باين عليك .
- محمود : يعنى اى كلام مهما كانت كمية السم اللى فيه نقدر نعتبره
هزار لو الواحد قاله وهو بيبتسم ؟
- طلعت : الله يسامحك .. انت راجل دماغك ناشفه
- محمود : وانت طول عمرك بتعالج الأول والطالب المثالى .
- طلعت : ده فضل من الله سبحانه وتعالى .
- محمود : (ساخرا) ده اذا اعتبرنا التثوق ميزة ا
- طلعت : انت نكى مافيهاش كلام .
- محمود : اشكرك .
- طلعت : بياك الوحيد انك واخذ الدنيا بتحدى وعقلك بيشطح
بيك .. انا ارامن .. غيابك الأيام اللى فاتت كان
شطحه من اياهم .
- محمود : انتدر اعتبر التحقيق ابندى ؟
- طلعت : هو انا مش حا اعرف اتكلم معاك والا ايه ؟
- محمود : انا مش ضد انك تستجوبنى .. بالعكس ، انا افضل ده
يحصل بسرعة ونفتى .
- طلعت : اظن مافيش داعى اقولك انى عايز اساعدك .
- محمود : عايز تساعدنى ازاي .. ؟ ممكن تخالفت ضميرك القانونى ؟
- طلعت : لا .. فى اطار القانون .. الموضوع ممكن يكون بسيط ..
ويمر بسلام ، وجايز يكون موقفك خرج ويأثر على
مستقبلك كله .

محمود : يعنى مستقبلى فى ايدك .

طلعت : العفو . كل شىء بيد الله .

محمود : متهيالى ندخل فى الموضوع .

طلعت : شوف يا سيدى باختصار البنيت بعد ما عملت عملتها عايزه

تجرجرك ، بتدعى انك انت اللى حرضها تعندى على فؤاد

بيه ، طبعا كلامها ماهواش قرينه ضدك ، وتقدر تنكره ،

وانا مصدقك . لكن المشكلة فى الفتاحه .

محمود : الفتاحه ؟

طلعت : آه ، انت ماعرفتش انها ضربته بفتاحه الورق ؟

محمود : (يسكت فى دهشة) .

طلعت : (يتناول فتاحه الورق من فوق المكتب) فتاحه زى دى

بالظبط ؟ وسنها حامى برضه .

محمود : (يسكت) .

طلعت : دى حتى بتقول انها بتاعتك . تصور ؟

محمود : انا فعلا ضاعت منى واحده ، واشتريت دى بدلها .

طلعت : ياه ، وضاعت امتى ؟

محمود : (متذكرا) آخر مره كانت فتحيه هنا .

طلعت : يعنى قبل الحادئة بيومين .

(ثم يلتفت فجاء للكاتب الذى بدأ يسجل

الحوار) .

طلعت : لا لا ماتكتبش حاجه .

محمود : (بحيرة) يبقى خنتها من غير ما تقوللى

طلعت : طب وانت مالك .. تتهمك ليه بقى ؟ اما بنت كلب
صحيح .. استغفر الله العظيم .. بالشكل ده مافيش
عليك اى مسئولية قانونية ، والكلام يوم اللي اختفيت
فيهم ، نقدر نقول انك كنت .. بالحق هو انت كنت
فين ؟

محمود : وده ايه دخله فى الموضوع ؟

طلعت : ابدأ .. بس عشان نستوفى التحقيق من الناحية الشكلية
لحسن يقولوا حرضتها وهربت ولا حاجه .. قلت لى
كنت فين ؟

محمود : فى اسكندرية .

طلعت : خالص . يبقى اتطحت .. كان عندك قضية هناك ، مش
كده ؟

محمود : لا ..

طلعت : ما هو طبعا مش حنقول كنت بتصيفت .. ده احنا فى قلوبه
(ومتصنعا المزاح) تلاقىك رحى تمك هناك يا دبور مه ؟
اعترف :

محمود : (يسكت وينظر له) .

طلعت : ماتحاولش تنكر .. واحد يسبب شغله من غير مايدى
خبر لمخلوق ويسافر فى البرد ده يبقى فيها انه ، يا رايح
لواحدة يا هربان منها عشان ينسى .

محمود : عاوز توصل لايه ؟

طلعت : ولا حاجه .. المساله كده بالعقل .

- محمود : انتوا لحقتوا تجمعوا غنى تحريات ؟
طلعت : (ضاحكا) هو كلامى جه على الجرح بجد ولا ايه ؟
محمود : محمد اللى قالك طبعاً ،
طلعت : الرجال ماقالش عليك غير كل خير .
محمود : وطبعاً جاب سيرة نبيله ؟
طلعت : نبيله مين ؟ يا راجل ماتكبرش الموضوع ... فتحيه دى
تلاقيها بت مهوفه .. الأشكال دى عارفينها .. ماعدش
فيه أخلاق ولا قيم .. وانت عارف عقل النسوان ..
ناقصات عقل ودين . الشئ الغريب ايه اللى خلاها تدعى
عليك كده ؟
محمود : (يسكت) .
طلعت : ولا انت قولت لها كده فعلاً ؟ يعنى سكت ؟ أنا أقولك ..
صدفه برضه .. قعدت تتفلسف زى عوايدك ، شطيت
وقلت كلمتين من اياهم ماخدتش فى بالك ان البت عقلها
طابق .. راحت عملت عملتها فى لحظة جنان .. لكن
أرجع أقولك برضه الصدف بتلعب بيننا .
محمود : (بهدوء ما قبل العاصفة) لا .
طلعت : لا ايه ؟
محمود : مش كده .
طلعت : مامو يا كده ، يا اما انت بقى قاصد تحرضها .
محمود : انت بتهددنى ؟
طلعت : لا سمح الله ، أنا عاوز أساعوك .

محمود : أنا أرفض التهديد .

طلعت : مالك يا محمود .. بتكلمنى كده ليه ؟

محمود : انت اللى لازم تغير لهجتك معايا .

طلعت : تقصد ايه .. مش فاهم .

محمود : لا انت فاهم كويس .. مافيش داعى للاستئله الملقوفة ، مافيش داعى للغمز واللمز ، وفر مساعدتك ، اذا كنت عايز تتشفسى فى خليك صريح وواضح .. مافيش داعى للخجل .

طلعت : لا .. ده كتير (ثم متلفنا للكاتب الذى يجلس دون كتابة)
ما تكتبش الكلام ده .

محمود : لا اكتب ، أنا مش خايف منك .. مش خايف من حد .. أنا ما قتلهاش ثقته ، لكن مكانش كلامى صحفه ، ولا شطحات ، ماتساومنيش .

طلعت : اساوئك ؟ اساوئك على ايه ؟

محمود : انى اغير راىى .

طلعت : تأكد ان ده ما يهمنيش ، وانى ما يحملكش اى كراهيه او حقد ، بالعكس ومستعد اقسم لك بالله ورسوله ..

محمود : اسمع .. أنا بكرةك .. افكر ده كفايه ويخلينا نختصر
السكة .

(للكاتب) لو سمحت لفتح المحضر .

(لطلعت) تقدر تاخذ اقرالى بشكل رسمى ؟

(يدخل صادق بالقهوة ، طلعت ينتظر حت

يخرج)

طلعت : ده رأيك النهائي ؟

محمود : ايوه .

طلعت : (ببعض التحدى) وهو كذلك .

(يخرج منديلا يجفف عرقه ، ويشير للكاتب

• بالجلوس الى مكتب محمود)

الكاتب : الاسم . . . والسن . . . والوظيفة .

محمود : البطاقة اميه ، وای معلومات تانيه عارفها حضرة وجيل

• النياية ، بما فيها طباعى واخلاقى وشطحاتى

طلعت : (بقوة) انا ما اسمحش لك تقول كلمة واحده زياده .

محمود : (محنيا راييه) متأسف .

طلعت : سين . . . متى رايت المتهمه فتحيه لآخر مره قبل الحادث .

محمود : جاتنى المكتب من حوالى عشر تيام ، وما عنديش علم باى

• حوادث

طلعت : هل صحيح انك انسحبت من الدفاع عنها ؟

محمود : ايوه . . . لأن قضيتها كانت خسرانه . . .

طلعت : المتهمه ادعت انك انت اللي حرصتها تقتل فؤاد بيه .

فهل هذا صحيح ؟

محمود : انا ماحرصتهاش . . . انا كنت بقول رايى . . . ان قضيتها

• مالهاش حل فى المحكمة .

طلعت : لكن حسب أقوال المتهمه انت اقترحت عليها وسيلة

• محددة ، قلت لها اضربيه سكينه .

محمود : قلت لها تطلب منه يسامحها وتبوس رجله او تضربه
سكينه .. وده على سبيل المثال .. مجرد توضيح
الرأى .

طلعت : امال بتفسر بايه انها استعملت الفتاحه بتاعتك فى
الاعتداء على المجنى عليه ؟

محمود : اعتقد السؤال ده تساله لها مى .

طلعت : انت حتعلمنى شغلى ؟؟

محمود : كل انسان مسئول عن تفسير تصرفاته ببس

طلعت : سين .. كنت فين يوم الحادث ؟

محمود : يوم الجلسة ، سافرت الصبح بدرى اسكندرية .

طلعت : وايه الغرض من سنرك ؟

محمود : مافيش سبب .

طلعت : انت متعود تتصرف بدون وعى

محمود : ماقلتش بدون وعى .. قلت بدون سبب .

طلعت : انت بتنكر قانونية السببية .. ؟

محمود : كنت عايز اختار بنفسى .

طلعت : الاجابة نفسها محتاجه تفسير .. ليه كنت عايز تختلى
بنفسك ، لأسباب نفسيه ؟ عاطفيه ؟ لارهاق فى العمل ؟

محمود : انا مش شايف علاقة بين سفرى وموضوع التحقيق .

طلعت : انا الى اقرر ده مش انت .

- محمود : يبقى امتنع عن اجابة السؤال
- طلعت : ليه سافرت سرا. ودون ان تخبر احدا ؟
- محمود : قلت انى كنت عايز ابقى وحدى
- طلعت : وشغلك ؟
- محمود : انا حر فى الطريقه اللى امشى بيها شغلى
- طلعت : كنت بتعمل ايه فى اسكندرية ؟
- محمود : ماكنتش بعمل حاجه مينة
- طلعت : الاجابة محتاجه تفسير
- محمود : تقدر تقول انى كنت بتأمل مشاكل الكون ، ماساة الانسان المعاصر .. واضحه الاجابه دى ؟
- طلعت : واضحه .. لكن غير معقوله ومقصود بيها السخرية
- كنت بتروح فين .. بتقابل مين ؟
- محمود : ماكنتش بروح اماكن محدده ، الشوارع ، الجنائين ، الكورنيش ، القهاوى
- طلعت : تقصد مجرد تسكع ؟
- محمود : ماغنديش اعتراض على التسمية
- طلعت : سين .. متى علمت بالحادث ؟
- محمود : النهارده ، من وكيل المكتب بتاعى
- طلعت : هل لاحظت شيئا من الاضطراب النفسى على المتهمه ؟
- محمود : امتنع عن الاجابة

طلعت : ايه رايك فى الحادث ؟

محمود : امتنع عن الاجابة .

طلعت : ما هو شعورك عند سماع نيا

محمود : (مقاطعا) امتنع عن الاجابة .

طلعت : ايه رايك فى سلوك المتهمه ؟ ايه حكمك الاخلاقى عليها ؟

محمود : (لا يرد) .

طلعت : (للكاتب) اقلل المضر .

(الكاتب يقدم الدفتر لمحمود فيوقع عليه دون

اكثرات) .

طلعت : تفنكر اسارب الامتناع عن الاجابة حيفيك بحاجة ؟

محمود : انا برفض طريقتك فى التحقيق .. وعفدى الشجاعه انى

اقول كل شىء قدام المحكمه .

طلعت : يبقى حنتقابل هناك .

(ثم يشير للكاتب وهو يخرج بسرعة) .

(محمود يجلس بارهاق على المقعد الموضوع امام

المكتب) .

(صادق يظهر عند الباب) .

صادق : اى خدمه يا متر ؟

محمود : (بعد لحظة) انت متأكد ان نبيله ماتتنتش ؟

صادق : لا يا متر .. انما الأستاذ محمد لما جه اتصل بيها من

هنا فى التليفون .

محمود : ماعرفتش ليه ؟

- صديق : أنا سمعته بالصدفة بيقولها .. هو حضرتك ما فتحتش
الظرف اللي سايب .. ما هو ده بخصوص الأستاذة نبيله .
- محمود : (ينيهض ويتناول الخطاب) كان بيقولها ايه ؟
- صديق : سمعته بالصدفة بيقولها أنه مالقاش حضرتك و
- محمود : (يفيض الخطاب بالفتاحة) وايه ؟
- صديق : وانه اتفق مع المانون .
- محمود : (بعدم فهم) مانون ؟
- صديق : أيوه ، والظرف ده فيه دعوه لسيادتك .. ما هو الأستاذة
كان كتب كتابها امبارح .
- (محمود ينظر لصديق بذهول وتعبيرات مختلفة
على وجهه) .

* * *

المشهد الثاني

- بعد مرور أكثر من شهرين •
- الحجرة في فوضى •• يتعض الأثاث مكموم في
جانب •• كتب على الأرض •• حقيبة كبيرة
في ركن •• محمود يقدم مقعدا لفتحية ••
وهي الآن ترتدى بنطلونا وبلوزة شفافة وعلى
راسها باروكة صفراء •
- تجلس فتحية على المقعد بينما يستند محمود
بظهره الى حافة المكتب •

- محمود : اتفضلى .
- فتحيه : انت بتعزل ولا ايه ؟
- محمود : حاجه زى كده .. وازيك دلوقتى يا فتحيه .
- فتحيه : زى ما انت شاييف .
- محمود : انا شاييف انك اتغيرتى خالص .
- فتحيه : نعمده .. جت سليمه المره دى .
- محمود : لكن ما اتضايقتيش لما المحامى طلعك مجنونه ؟
- فتحيه : مش احسن م الحبس ؟ مجنونه مجنونه بس اعيش .
- محمود : انا مستغرب .. ازاي الخصوم سلموا بالسره دى ؟
- فتحيه : ماهو محامى فؤاد بيه اللي شار علينا بكده .
- محمود : محمد ؟
- فتحيه : ايوه يا استاذ .. انت مدرتش ؟
- محمود : وايه مصلحته ؟
- فتحيه : لو كنت بعقلى ما حدش حيصدق انى ضربت فؤاد بيه من غير سبب ، وفؤاد بيه خايف على سمعته .
- محمود : آه .. طلحوكى مجنونه عشان كده .
- فتحيه : ودفعوا لى مصارييف المحامى كمان .. وهما ما قالوش مجنونه ، يعنى مجنونه ..
- محمود : اضطراب نفسى .
- فتحيه : ايوه ، وانا كان عندى ده صحيح .

- محمود : مما قدروا يقنعوكى انتى كمان ؟
فتحيه : أستاذ .. انت زعلان منى ؟
محمود : أبدا .. ليه ؟
فتحيه : عشان قلت ، قصدى المحامى بتاعى قال انك وزتنى .
محمود : للاسف ده شرف ما أقدرش أدعيه .
فتحيه : مش فاهمة .. يعنى كنت بتتكلم جد لما قلتلى أضربيه ؟
محمود : انتى فهمتى ايه ؟
فتحيه : ماعرفتش بتتريق ولا بتتكلم جد .
محمود : امال ايه اللى خلاكى تحاولى تضربيه فعلا ؟
فتحيه : مش عارفه .. كان عندى اسمه ايه ده ، الاضراب ،
النفسى .
محمود : آه ، ولوقتى عقلتى ؟
أنديه : الحمد لله على أى حال .. المهم انت يا أستاذ .
محمود : لا أنا مش باين على ح أخف .
فتحيه : مااقصدش .. أنا متأثره اكمنى طلعت منها وحضرتك
اللى اتظلمت هن غير سبب .
محمود : تصورى .. مع ان اللى يحرض مجنونة يبقى اكيد
مجنون زيها .
فتحيه : آه والنبي عندك حق .. وماقلتش كده ليه وطلعت براءه
زيبى ؟ ولا أقولك ما انت ممكن تستأنف .. تحب اكلم لك
المحامى بتاعى ؟

- محمود : كتر خيرك .
- فتحيه : والأستاذ محمد راخر ، لو كلمناه جايز يساعدا .
- محمود : انت قلبك ابيض قوى يا فتحيه .
- فتحيه : الا صحيح . . . انت مادافعتش عن نفسك ليه فى المحكمه ؟
- محمود : قوايلى انتى . . . لسه بتفكرى فى التمثيل ؟
- فتحية : وليه لا . . .
- محمود : بعد كل اللى حصل ؟
- فتحيه : فؤاد بيه ماعندوش مانع يشغلنى .
- محمود : هايل . . . يعنى اصطاحتوا .
- فتحيه : تقريبا . . . ح آخذ دور الكومبارس .
- محمود : ياه . . . كومبارس مره واحده ؟
- فتحيه : آه . . . قالولى ده الدور اللى اليق فيه .
- محمود : مضبوط . . . لكن انتى بتعرفى تمثلى فعلا ؟
- فتحيه : وهى دى صعبه يا استاذ . . . ماكل الناس بتمثل .
- محمود : معاكى حق .
- فتحيه : امثل وارقص . . . واغنى كمان .
- محمود : تغنى ؟؟
- فتحيه : آه (تنهض وتغنى على الفور مطلع اغنية لام كلثوم) .
- محمود : جميل .

- فتحيه : حافظه كل ادوار الست .
محمود : يا سلام ؟ وايه كمان ؟
فتحيه : ومى الست مش كفايه ؟
محمود : ما أقصدش .
- فتحيه : قصك شادية ولا نجاة ؟ واحفظهم ليه ، ما انا صوتى
أحلى منهم .
(يظهر صادق عند الباب) .
- صادق : لا مؤاخذه يا متر (ثم محدثا شخصا بالخارج) اتفضل
يا معلم .
(يدخل تاجر اثاثات قديمة ، يرتدى بالطو فوق
جلباب) .
- التاجر : بسم الله الرحمن الرحيم .. سلامو عليكم .
(التاجر يتفحص محتويات الحجرة .. يندق على
المكتب بقبضته) .
(محمود لا يلتفت له .. فتحية تبدو عليها
الدهشة) .
- التاجر : والبيه عايز كام فى الشيله دى ؟
صادق : خليك معايا انا .. تعالى لسه فيه اوضه .
(صادق والتاجر يخرجان الى الحجرة الأخرى) .
- فتحيه : انت حتنيع العفش يا استاذ ؟
محمود : المكتب كله .. تشتري ؟
فتحيه : لازم بقى مهاجر .

- محمود : كل شيء جايز .. انتى ناويه تعملى ايه ؟
- فتحية : ح أجرب حظى بره .. رايحه لبنان .. عبده طلع لى
الباسبور خلاص .
- محمود : عبده كمان اللى عملك الباسبور ؟
- فتحية : وهو انا لوحدى ؟ ده كل زمايلى اللى نجحوا فى مسابقة
الوجوه الجديدة .
- محمود : كده ؟ وفؤاد بيه مش طالع معاكم ؟
- فتحية : لا .. ححصلنا بعدين .
- محمود : متأكده انك حتملى وتغنى وبس ؟
- فتحية : لا طبعا (تضحك) والذى منه .
- محمود : ياه .. ده انتى عقلنى خالص يا فتحية (يضحك) .
- فتحية : هما مش بيقولوا للعقل زينه .. شسوف لما عقلت بقى
شكلى ايه (تستعرض ملابسها) .
- محمود : دى الزينه بس .. انما العقل فين ؟
- فتحية : الحشو طبعا يا استاذ (وتطلق ضحكة ماجنة) .
- محمود : لكن ده جسمك يا فتحية .. مش عقلك .
- فتحية : آه ، انما اللى تغلب به العجب به (تضحك ثانية) .
- محمود : (لا يضحك) .
- فتحية : (ناظمة) استاذن انا بقى .. اشوف وشك بخير
يا استاذ محمود .
- (تمد يدها لتصانحه فيحتفظ بها) .

محمود : فتحيه .. تسمحيلى اسالك سؤال ؟

فتحيه : اتفضل .

محمود : (بعد لحظة) مابتفكريش يكون لك بيت وراجل واطفال
و

فتحيه : (تضحك بمجون) احنا لسه حنحلم يا استاذ ، ماكبرنا
وفهمنا الدنيا .

محمود : وافرضى ان ده ممكن .

فتحيه : واعشم روى بالكذب ليه .

محمود : بتوكل افرضى .. وافرضى مثلا .. مثلا ان الراجل ده
أنا .. توافقى ؟

فتحيه : (تسكت مبهوتة ، ثم تقول) اوافق على ايه ؟

محمود : تتجوزينى .

فتحيه : (بتردد وارتباك) وانت تتجوزنى ليه ؟

محمود : انا قلت مثلا .. ما تفكريش فى .. فكرى فيكى انتى ..
توافقى ؟

فتحيه : (تسكت) .

محمود : (بلا انفعال) يعنى لا .. طب ليه ؟

فتحيه : (تهز كتفيها) معرغش .

محمود : بنتخافى منى ؟ بتكرهينى ؟

فتحيه : يا خبر يا استاذ .. وانا ايش وصلنى لك .. طب ده
انت طيب وابن حلال ومش زى التانيين .

محمود : امال ايه السبب ؟

فتحيه : يمكن (بحيرة) ، اصل انا مش فاهماك .. توبك مش
من توبى .

محمود : (يهز رأسه وكأنه فهم) .

فتحية : (بسرعة) بس ما تزعلش .. انت تتمناك ألف واحده
أحسن منى .

محمود : (ببساطة) لكن فؤاد بيه ، او عبده الريجيسير كنتى
توافقى .. مطبوط ؟

فتحيه : انت زعلت يا استاذ ؟ .. يقطعنى .

محمود : بالعكس .. انا اشكرك عشان جاوبتيني بصراحة على
سؤالى .

فتحيه : انما انت بنتكلم جد ولا عاوز تعرف وبس ؟

محمود : (بابتسامه) وانتى يهيك ايه مادام مش موافقه ؟
(لحظة صمت .. فتحية تحاول ان تقول شيئا ..
تنظر له نظرة اغراء) .

فتحيه : (بلهجة مختلفة) انت بتسهر فين بالليل ؟

محمود : بتسالى ليه ؟

فتحيه : كنا نتقابل فى حتة ، لو تحب يعنى .

محمود : (يبتسم) ما تنسيش الجوابات عشان اطمنن عليكى

فتحيه : (مضيئة) من لبنان ؟ طبعاً يا أستاذ . . . بالحق مش
عابز حاجه من هناك . . . بلوفرات . . . خلاطات . . . خراطيش
سجاير . . . اطلب .

محمود : (يخلل على ابتسامته ويهز رأسه نفياً) .

فتحيه : (مصافحة) طب أتولك « أورفوار » دلوقتي .

محمود : مع السلامه يا فتحيه .

(يمشي معها حتى المدخل وينظر خلفها ويشرد)

(يدخل صادق والتاجر من الحجره الأخرى) .

صادق : هيه يا معلم . . . قلت ايه ؟

(التاجر يبق على المكتب ثانية ، يفتح الأدراج

وينلقها) .

التاجر : صلى ع النبي . . . مش لما نساين كويس . . . والكنتب دى

بلا تافيه محتاجينهم ؟

صادق : (يتجه لمحمود ويهم بسؤاله) .

محمود : كله .

صادق : (للتاجر) شيل .

التاجر : هما دش لازمى . . . بس أنا بقول أخلصكم منهم .

صادق : طب خلصنا . . . حتدفع كام ؟

التاجر : الصبر طيب . . . ومن غير مؤاخذه الجرامفون ده يلزمكوا ؟

صادق : (ينظر لمحمود) .

محمود : كله .

- صادق : شیل .
- التاجر : بالاسطوانات طبعاً . . . انا قاصدى اخلصكوا .
- صادق : خلصنا يا سيدى . . . كام ؟
- التاجر : اللى يقول عليه المتر .
- صادق : انا اللى بتكلم معاك .
- التاجر : (هامسا) هو الأستاذ بتاعكم متألط كده ليه ؟
- صادق : اصله مايعرفش يفاصل . . . خليك معايا . . . قلت ايه ؟
- التاجر : ميت اءيف .
- صادق : يفتح الله .
- التاجر : قول يا باسط . . . الفلوس مش كل حاجه ، والعين الملائنه
ريك يبارك لصاحبها .
- محمود : (بضيق) انا نازل . . . ح ابقى أرجع بعد شويه تكون
خلصت .
- صادق : براحتك يا متر . . .
- (محمود يخرج) .
- صادق : ايه يا معلم . . . انت مش قايلى جوه ميه من بحير الكتب
والبيك أب ؟
- التاجر : ميه وعشرين .
- صادق : لا . . . دا انت شاطر قوى . . . دى كتب قانون .
- التاجر : ولو .

- صادق : وده بيك آب ، والاسطوانات تسوي كثير .
• للتاجر : ولو .
• صادق : آخر كلام ؟
• للتاجر : عشرين فوق الميه .
• صادق : اسمحلى ، انت كده عايز تستغفل الأستاذ .
• للتاجر : عشرين للاستاذ ، وعشره علشانك .
• صادق : يبقى عايز تستغفلنى انا .
• للتاجر : كويسه .. خليها عشره للاستاذ وعشرين علشانك .
• صادق : واسعه يا معلم .
• للتاجر : مش بتقول فوضك فى البيعه ؟
• صادق : ضميرى .. ده برضه عيش وملح .
• للتاجر : وايه اللى يرضى ضميرك ؟
• صادق : قسمة الحق .. عشرين للاستاذ وعشرين لى .
• للتاجر : يفتح الله .. سلامو عليكم .
(التاجر يتحرك خارجا) ، (صادق يتحرك خلفه) .
• صادق : طب اسمح بس ، استنى يا معلم .
(لكن نبيلة تدخل عندئذ .. صادق يتوقف بدمشة) .
• صادق : الأستاذه ؟؟

- نبيله : ازيك يا عم صادق .. امال فين محمود ؟
- صادق : جاى حالا .. اهلا وسهلا اتفضلى .
- نبيله : (لا تجلس) طمنى .. هو عامل ايه ؟ كويس ؟ والمكتب
مقلوب كده ليه ؟
- صادق : ماخلاص يا ست نبيله .. الاستاذ بيبيع الكتب .
- نبيله : مش ممكن .
- صادق : امر ربنا .
- نبيله : ليه ؟ ايه اللى حصل ؟ مستحيل .. لازم تمنعه .
- صادق : كنتى فين يا استاذه نبيله ؟ حمد الله ع السلامه ..
بالحق متأخفنيش نسيت أتترك مبروك .
- نبيله : (بالأم) اسكت يا عم صادق ، اسكت .
- صادق : طب اتفضلى ارتاحى ، زمانه جاى .
- نبيله : (تدور حول نفسها بتأثر) يبقى أنا السبب .. أنا
السبب .
- صادق : كله من تحت راس البت المهفوفه اللى اسمها فتحية .
- نبيله : حصل حاجه تانى ؟
- صادق : مش قالت إن الأستاذ محمود هو اللى حرضها تعتدى على
فؤاد بيه .
- نبيله : وبمدين ؟
- صادق : حقتوا مع المتر ، وجابوا رجله فى القضية ، وبمدين ..
(يظهر محمد داخلا .. صادق يراه فيقوقف عن
الكلام) .

- صديق : محمد بيه .٠٠ اهلا وسهلا .
نبيله : (تستدير وتفاجا) محمد ؟
محمد : ايه .٠٠ ماكنتيش متوقعه تشوفيني ؟ وصلتني مصر امتي
يا نبيله ؟
نبيله : امبارح بالليل .
محمد : والنهارده الصبح بقيتي هنا .
نبيله : ايوه .٠٠
محمد : اقدر انهم ايه ؟
صديق : (منسحبا دون ان يشعر به) عن انكم .
نبيله : (ببرود) الناس بتقول في الاول حمد لله ع السلامه .
محمد : كلمتك في التليفون عشان كده .٠٠ مامتك قالت انك
خرجتي من غير ماتقولى لحد .٠٠ فهمت انك هنا .٠٠ ايه
اللى رجعت م الكويت ؟
نبيله : لاني ح اتطلق .
محمد : ليه ؟
نبيله : وهو ده سؤال ؟ ما انت عارف .
محمد : محمود طبعا (ويتلفت حوله) هو مش هنا ؟
نبيله : واياه دخل محمود في الموضوع ؟
محمد : دخله انك هنا عنده .
نبيله : (بتحفظ) انت جاي تحاسبني ؟

- محمد :** انا جاي احميكي .
- نبيله :** ولما كنت ببعت جواب كل يوم ، محدش اتحرك م العيله
عشان يحميني ليه ؟
- محمد :** نحميكي من جوزك اللي ماکملتيش معاه شهرين ؟
- نبيله :** ايه الطريقة الغريبة دي اللي بتكلمني بيها ؟
- محمد :** شوفي يا نبيله ، مهما كانت الاسباب اللي خلقتك تسيبي
جوزك ، فوجودك هنا دلوقتي مش صح .
- نبيله :** طظ في الصبح والغلط ونيكم كلکم ، کاکم کدابين منافقين ،
حيوانات .
- محمد :** نبيله . . امسكي اعصابك ، ايه اللي حصلك ؟
- نبيله :** (منفجرة) دلوقت بس بتسألني عن اللى حصللي . .
- لازم انهار او افقد عقلي عشان يبقى لي الحق اني اتكلم .
- محمد :** انا آسف لو كنت ضايقتك ، ده من خوفى عليكى . .
قوليلي جري ايه ؟
- نبيله :** مقدرش . . مش ح اعرف اتقول اى حاجه .
- محمد :** ماهو لازم تبررى اللي عملتيه ، الخناق والفضيحة في
اقسام البوليس ، والآخر تباتي في السفاره عشان تنزك
مصر . . ليه ده كله ؟
- نبيله :** مش قادر تفهم ليه ؟ مقدرش تصور ايه اللي ممكن
يحصل لي لما الاقمة نطسى فجاءه في ثلاث ايام في حضن
راجل غريب نو بلد غريبه ؟ انسان تافه . . غبي ، حقير ،
مايفرقتش عن اى جيران الا اللبذل اللي بيلبسها عشان
يغطي بيها قذارته وبشاعته .

محمد : طب اهدى يا حبيبتي .. اهدى وفهميني .

نبيله : (فى ثورة ثانية) لا .. مش لازم اقدم مرافعه .. مش لازم اذافع عن نفسى واقولكم مبررات .. كفايه انى رافضه اعيش معاه .. مافيش قوه تجبرنى اعاشر انسان بكرهه .

محمد : ماتنسيش ان الانسان ده انتى اللى اخترتيه .

نبيله : انت شمطان فى ؟

محمد : (مرتبكا) انا ما اقصدش لكن ..

نبيله : ايوه ، انا وافقت .. ماكنتش فى حالة طبيعية .. كنت بدمر نفسى .. كان لازم تحمونى .. امى اللى اتعذبت طول عمرها عشان اتجوزت راجل مابتحبوش اصرت انى اكرر نفس غلطتها ، ابويا كأنه ما صدق اتخلص منى . وانت .. انت اللى بتقول انك بتحبنى ، جبت لى المانون وشهدت ع العقد .. كلكم بعتونى .

محمد : وهو .. ؟؟ هو لسه بطل فى نظرك مش كده ؟ هو اللى اتخلى عنك وكان السبب فى كل اللى حصلك .. اتكلمى يا نبيله .

نبيله : كل اللى يهيك محمود .. انا مش مهمه .. دايما محمود .. محمود .. خدبت الفجاح والشهره والفلوس .. وهو خسر كل شىء ، حتى انا ولسه بتعتقد عليه ؟

محمد : (بقوه) لا يا نبيله .. ماتنظلمينيش ، انا عمري ما حقدت على محمود .. بالعكس ، انا كنت بحبه زى اخويا .. ولحد آخر لحظه حاولت اساعده .. محمود كان عنده نفس فرصتى واحسن منها .. انا تعبت اكثر منه ..

ما عرفش الحرمان اللي عرفته ، ومع ذلك بيدعى انه بطل .
أنا اتمرطت كتير وجمت كتير ، لكن هو الجوع والفقر
كان بيعرفهم م الكتب بس .. مايقولش انه كان غنى ،
وصحيح الفرق بين ظروفنا مكانش كبير .. لكن كان
فيه فرق .. اللي وصلت له النهارده .. وصلت له بعد
ماكانحت .. انما كل اللي في دماغه كلام فارغ ..
مالوش ظل م الحقيقه .. الحقيقه انه فاشل .. ايوه
فاشل ، وفشله هو اللي خلاه يدور على دور يلعبه عشان
يغطي بيه فشله وحتى الدور ماقدرش يمثله للنهاية ، كان
بيخسر الناس ، كل الناس .. حتى الفقرا اللي بيطوع
يدافع عنهم مجانا .. انتي بس يا نبيله اتخدعتي فيه ..
افتكرتني بطيبة قلبك وسذاجتك انه فارس شهيم ..
نبيل ، وانه شايل الكون في قلبه .. لكن الحقيقه غير
كده .. الحقيقه انه اناني ، مغرور وحائد ، الحقيقه
انه

نبيله : كفايه يا محمد .. كفايه .

محمد : (مندفعاً بأمل) لا يا نبيله مش كفايه .. لازم تسمعي
للآخر ، أنا ماكرهش محمود ، محمود هو اللي مبيحبش
حد .. عنده اوهام مراة في دماغه ، وعايز يفرضها
ع العالم .. عايز كل الناس تبقى زيه .. فاكرا انه
حيغير الكون .. أنا شفت ناس كتير عندهم مبادئ
ومثل .. ماحدث فيهم بالشكل ده .. وكلهم رأيهم فيه
وحش .. أنا ماكرهش محمود .. لكن ماقتبلش يعمل
بطل على حسابي .

نبيله : انت ما بتفكرش غير في نفسك .. محمود تعبان فعلا
ماهواش بطل ، لكن صادق ، مايبكديش على نفسه ..
محمود في أزمة لأن كل شيء حواليه مغشوش .. وأنا

دلوقتی اقدر افهم ايه اللي بيعذبك ، وانت كان لازم
تساعده بدل ماتقف ضده .

محمد : انا حاولت .. ولسه مستعد .. هو اللي رفض ايدى لما
مدتها .. هو اللي اختار يعادينى .. لكن انا ح اسامحه ،
علشانك يا نبيله .. انما لازم تنسيه وتبعدى عنه ..
مش ممكن اسيبه يحطك معاه .

نبيله : انت بتملى شروطك يا محمد ؟

محمد : لا يا نبيله ، ابدأ .. انا بقول ده لمصلحتك ، ولمصلحتك ،
ثم ، ثم لازم تنهمنى يا نبيله . انى صبرت واستحملت
كثير علشانك ، مش لازم اركع تحت رجلكى علشان
تعرفى انى بحبك .

نبيله : الكلام ده مالوش لازمه .

محمد : وحياتى كلها من غيرك مالهاش لازمه ولا معنى .. محمود
مابيحبكيش ، لو كان بيحبك كان اتجوزك .. محمود
استغلك ، ويثبت انه احسن منى .

نبيله : انا مااسمحلکش ..

محمد : (مقتربا منها) المزه دى انا اللي مش ح اسمح له ياخذك
منى .

نبيله : (بذمول) هى دى الخيانه اللي جاى تحمينى منها ؟

محمد : وانتى جايه هنا ليه .. بعد ما طردك وسابك راجعه له
هنا ليه ؟

نبيله : انا دلوقتى بس عرفت انا جيت له ليه .

محمد : انت لی یا نبیله .. لی انا مهما حصل (يطوقها
بذراعيه) .

نبیله : اوعی تلمسنى (تصفمه بقوة .. يقف ويتحسس خده
بذھول) .

(بينما يظهر محمود عند الباب دون أن يلحظاه)

محمد : ماتفتكريش انك تقدرى تمثلى على الشرف .

محمود : (يتقدم ويقول بهدوء ولكن فى قوة) اطلع بره .

(محمد يلتفت ويراه فيشحب وجهه) .

محمود : بره .

(محمد ينظر له بحقد هائل ، ثم يخرج مسرعا)

نبیله : محمود .. سامحنى يا محمود .. انا عفتك فوق عذابك ،
مقدرتش افهمك .. ماغكرتش غير فى نفسى .

محمود : انتى اللى تسامحينى يا نبیله .. انا فرطت فيكى .

نبیله : كان لازم تحرقنى النار عشان اعرف وافهم .. لكن ادبىنى
اهو رجعت لك ، ومافيش حاجة تخلىنى اسيبك .

محمود : يا حبيبتى (يقبل يدها) ما قللتيش جيتى امتى وازاى ..
والكلب ده كان عايز منك ايه ؟

نبیله : جه ورايا عشان يبمعنى عنك ، ولما يقس اتهم على زى
الحيوانات .

محمود : انا مش قادر اصدق انك هنا .. وفى اللحظة دى بالذات
وكل شىء فى حياتى بينهار .

نبیله : مستحيل .. مش انت اللى تضلم .

محمود : النهارده بصنى حسابى القديم . . اتهيالى انى شفت
بطنيا هزيمتى . . مش عارف ليه الخطوة اللى بعد كده . .
ونجاه توصلى انت كائك معجزه .

نبييله : بيتقى كل اللى عملته مارحش مدر . . كان لازم اتاوم كل
دقيقه وكل ثانیه عثمان اوصل دلوقتى والفاك .

محمود : تعالى يا نبيله احكيلى . . من يوم ما سافرتى ماسمعتش
عنك اى حاجه .

نبييله : مش عايزه افكر . . انا خلاص .

محمود : اتطلقتى ؟

نبييله : سبته . . انما لازم حيطلقنى ، ولو غصب عنه . .
منحش يقدر يستعبدنى .

محمود : اظن اتقدر اتخيل لوحدى . . وللدرجه اللى تخلىنى اخجل
من نفسى .

نبييله : انا للى سلمت . . انت مالكش ذنب .

محمود : كان بيضربك . . بيهينك ؟

نبييله : ارجوك يا محمود . . بلاش تفكرنى . . ساعدنى اناكمان
عثمان ما اخجلش من نفسى .

محمود : (يرفع راسها بانامله وينظر فى عينيها فتبكي بقوة)
نبييله . . .

نبييله : مش ح اغفر لنفسى ان حد غيرك اسنى .

محمود : (محاولا ان يتحكم فى عواطفه) ليه ماقتلش قبلها
يا نبيله .

نبيله : بعث لك عشان تحضر كتب الكتاب .. لو كنت جيت ،
لو كنت كامنتنى فى التليفون .. كنت سببتهم وهربت .

محمود : الوقت كان فات .. ولا كنت اتخيل ان كل شىء يحصل
بالسرعه دى .. فى الأول افكرتك اتجوزتى محمد .

نبيله : مستحيل .

محمود : ليه .. مش ساعتها كنتى بتحترقينى ..

نبيله : ابدأ .. ماكنتش بنتقم منك .. انا كنت بنتحر ..
بمذنب نفسى عشان اخطيك تنعم وتحس بالألم اللى
حسيتة .

محمود : يعنى ما فكرتيش فى محمد ابدأ ؟

نبيله : ولا لحظه .. هو نفسه مكانش عنده الشجاعه اللى تخليه
يطلبنى .. لقاها فرصه يضربك حتى ولو على حساب
نفسه .. كل اللى قدر يعمله انه يجرى يجيب لى المافون
قبل ما أرجع فى كلامى ويمضى على العقد وايده
بترتعى .

محمود : لما جانى الخبر قلبى غاصى جوايا واتخنقت .. ولما
عرفت انه مش محمد حسيت بعذاب افضح .. يمكن
تستغربى .. لكندى الحقيقه .. عذاب من نوع غريب
ما أقدرش اوصفه .. لو كنتى اتجوزتى محمد كانت
المسأله اتحسنت .. مكانش حيبقى فيه معنى لحاجه
بعدها .. كنت وصلت للياس اللى الانسان يرتاح بعده .

نبيله : وده نفس اللى حاول محمد يعمله دلوقتى .. كان متأكد
ان محاولته معايا مالهش فايده .. لكن حب يوصل كل
شىء للأخو .. يقطع آخر خيط بينا .

محمود : انتى كان عنك حق يا نبيله .. فاكراه اول يوم دخلنا
هنا نفترج على الشقة ؟ فاكراه قلتيلى ايه ؟ قلتي انك
خايفه .. وان محمد شىء وانا شىء ، وكل واحد غير
التانى خالص .

نبيله : ايوه .

محمود : ازاي عرفتى كل ده من بدرى ؟

نبيله : قلبي كان حاسس .

محمود : كنت فاكراه لسه اقدر اتكيف مع الدنيا والناس .. حاولت
وفشلت .

نبيله : انت ما فشلتش يا محمود .

صادق : (داخلا) استاذ محمود .. لامواخذة ، اصل التاجر
مارضييش غير بـ . . .

محمود : (بسرعة) مش مهم .

صادق : طب سيادتك تفضى بس ع المبايعه .

محمود : هات (يوقع له على الورقة بسرعة) .

صادق : هو يمكن بيجى يشيل بكره .. عن انك ارواح اخلص
معاه .

محمود : تقدر تروح انت كمان يا عم صادق .. ومفتاح المكتب
أهو .. يمكن بكره تيجوا ماتلافونيش .

صادق : (بصوت مختنق) أمرك يا دتر (يخرج صادق ويسمع
صوت اغلاق الباب الخارجى) .

(نبيله تفشل فى كبح دموعها) .

- محمود : انتى طبعا عرفتى باللى حصل فى القضية .
نبيله : لا .. كنت سافرت .. حققوا معاك ؟
محمود : والحكم صدر كمان .. شهرين حبس .
نبيله : مش ممكن .
محمود : مع وقف التنفيذ .
نبيله : يعنى ايه ؟
محمود : يعنى حكم يفضل يلاحقنى زى ضلى .. حكم ع المستقبل
كله .
نبيله : ليه ؟ انت عملت ايه .. حضرت البنيت دى فعلا ؟
محمود : قلت لها رايبى بصراحة فى قضيتها .. يمكن حتى كنت
بقوله لنفسى .
نبيله : وماذا معتش عن نفسك ؟
محمود : فكرت .. حضرت مرافعة طويلة .. ويوم الجلسة
سكت ..
نبيله : خالص ؟
محمود : خالص .
نبيله : (بعد لحظة صمت طويلة) والقضية الثانية ؟
محمود : قصدك الاولانى .
نبيله : ايسوه .
محمود : اتأجلت (لحظة صمت)

نبیلہ : کل مشاریعنا واحلامنا متاجله ، ومافیش شیء واحد
فی حیاتنا حقیقی .

محمود : الا حبنا (یقبل اطراف اصابعها) .

نبیلہ : (تسند راسها الی صدره) حتی حبسنا .. مع وقف
التنفیذ .

(ظلام بطیء) .

* * *

المشهد الأخير

- بعد مرور نصف ساعة .
- ججرة المكتب خالية ومعتمة ، ضوء يأتي عبر الزجاج العلوي لباب الحجره اليمين وهى مغلقة .
- فستان نبيلة ملقى باهمال على الأريكة ، على الأرض فرده من حذائها .
- بعد لحظة يسمع صوت باب الشقة الخارجى يفتح ، ثم يظهر عم صادق وينير الردهة .

صديق : انا عارف ايه لزمة العجله دى .. تفرق ايه يعنى النهارده
من بكره .

التاجر : الله .. اتقوا بعنوا وانا اشتريت .. يبقى حقى .

صديق : على اى حال ، المتر اهو مش هنا .. اتفضل شيل .

التاجر : انزل ائنده للشياطين .

(يخنقى التاجر .. صادق يدخل ويشعل النور

ثم ينشغل فى عد أوراق مالية) .

(ينقطع فى الحال الضوء الواصل من حجرة

اليمين) .

(يدخل رجل فى حوالى الاربعين .. اصلع ..

عيناه زائفتان) .

الرجل : ده مكتب محمود عبد المجيد ؟

صديق : كان .. مين حضرتك ؟

الرجل : (يدور بعينه فى المكان) فيه واحده جت هنا من شويه ؟

(ثم يلح فستان نبيلة فينقض ويمسك به) .

صديق : (بدهشة) ايه ده ؟

الرجل : هى نين ؟ (يدور حول نفسه ويزعق) اطلعى يا نبيله .

صديق : مش كده يا حضرة .

الرجل : اوغى (يدفع صادق ويندفع الى حجرة اليمين ويقتحمها) .

صديق : (مذهولا وقد بدأ يفهم) لا حول ولا قسوة الا بالله ..

يا رب استر .

(تسمع ضجة مصدرها الرجل وصراخ نبيلة ..

صديق يتحرك نحو الحجرة) .

(لكن يبرز الرجل بظهره وهو يحاول جنب نبيله)

الرجل : اتفضلى فوتى قدامى :

(يظهر جانب من جسد نبيلة فى قميصها الداخلى
ويدها ممسكة بالباب فى استماتة .. للرجل
يشدها من شعرها بقوة .. تظهر رأس نبيلة ،
ثم تنجذب بكاملها وهى تصرخ من الألم والفرع ،
رأسها منكسة تحت ضغط قبضة الرجل وببيدها
تحاول أن تلملم ملاءة قصيرة حولها) .

الرجل : انتى حتمشى ولا لا .

نبيله : (مستنجده بصوت مرتفع) محمود .

الرجل : ولك عين يا ناجره .

(يصفعها بقسوة .. تفقد توازنها وتسقط على
وجهها امام الأريكة ، تزحف وتستند عليها) .
(يظهر محمود فى باب حجرة اليمين ، شعره
مهوش وقميصه مفتوح) .

محمود : (لاهثا) سيبها .. لوعى تلمسها .

الرجل : لو قربت حقتك واقتلها .

محمود : ماتقدرشى .. فيه قانون .. انده البواليس .

الرجل : القانون يخلىنى اقتلكم .. لكن خليك انت القانون .

(يجذب نبيلة من شعرها) امشى قدامى .

نبيله : (صارخة) سيبنى .. طلقنى .. طلقنى .

الرجل : هس ح اطلقك .. ح افضحك .. ح اوريكى الذل اللى

عمرك ما شفتيه .

محمود : (يهيم بالتقنم نحو الرجل .. فى الوقت الذى يدخل فيه
التاجر واثنان من الحمالين) .

الرجل : (يشهر مطواة فجأة) خليك عندك .

محمود : (يتوقف) .

نبيله : (تحاول انتهاز الفرصة لكى تنفلت الى محمود) محمود .
(الرجل يجنبها من شعرها فتسقط على ركبتيها) .

محمود : (مستجمعا عزيمته) سييها .

الرجل : (يضع المطواة على رقبة نبيلة) تعال لو كنت راجل وأنا
أدبها قدامك .. آدى عشيقك .. لو كان راجل يدافع
عك ، يحميكى .

(ثم يجر نبيلة على الأرض وهى تقاوم) .

محمود : امسكوه ، ماتخليهوش يخرج ، اتقلوا الباب .
(صادق والحمالان يتجركان لاعتراض الرجل) .

الرجل : (بشراسة) اوعى انت وهو .. ما حدش يقف فى سكتى

دى مراننى وأنا حر فيها .

(الثلاثة يتوقفون عن الحركة .. الرجل يستدير مهددا

محمود بالمطواه فيترجع .. نبيلة تصرخ) :

نبيله : محمود .. محمود .

(للرجل يشق طريقه بها خارجا من وسطهم وتنحسر

عنها الملاءة .. وصراخ نبيلة يبتعد) .

محمود : (محاولا الاندفاع للخارج) نبيله .

(ثم يستدير نحو الموجودين) .

محمود : وراه .. ماتسيبوهاش .. ساعدوني .. فى ايده
سكينة .

التاجر : (للحمالين) شيلوا بسرعة .. مالناش دعوه .. احنا
اشترينا .. اتحرك انت وهو .. انا شارى كل
حاجه هنا .

محمود : عم صادق .

صديق : (يدق كفا بكف بتاثر) لا حول ولا قوة الا بالله ..
لا حول ولا قوة الا بالله .

محمود : (يهم بالخروج ثابية ثم يتوقف يائسا وهو ينتفض) .
(التاجر والحمالان يندفعان بالأثاث من امامه وخلفه
ويصطدمان به ويلقون بالأثاث خارج الباب) .

التاجر : شهلوا ياولاد الكلب .

(محمود يغطي وجهه بيده .. ثم هامسا نفسه فى حمى ..

ماكنتش اقدر اعمل حاجه .. ما كنتش اقدر) .

(الحمالان يرفعان المكتب بسرعة .. تسقط فتاحة الأوراق

من فوقه وتستقر امام قدم محمود) .

(محمود ينجنى ويلتقطها وينظر فيها متأملا) .

(التاجر والحمالان وصادق يخرجون .. وتبقى للحجرة

عارية الا من بقايا أوراق واسطوانة كسرت .. واشياء

أخرى مهملة وملاءة نبييلة) .

(محمود يقبض على الفتاحة بقوة وكانما خطر له خاطر

ثم تتراخى قبضته وتسقط منه الفتاحة) .

(محمود يرفع الملاءة ويحفن فيها وجهه ويندفع فى البكاء

مثل طفل زاعقا بصوت عال يترده صدى الفراغ وجسده

يترنح تحت وطأة الانفعال) .

(ستان النهاية)

رقم الايداع ٨١/١٨٠٣

دار مساجد للطباعة
٢ شارع بلال بالقصيرين - الوايلي - القاهرة

« هذا الكتاب »

الفكرة الشائعة عن مسرحيات لينين الرهمل أنها من لون الكوميديا ، رغم ما تتخلل هذه المسرحيات من لحظات مأساوية • اما (الكلمة الآن للدفاع) فهي دراما اجتماعية تتخللها لحظات كوميديية ، وهى تعد من أولى أعمال المؤلف فقد كتبت عام ١٩٧٣ الا انه لم يقرر حتى الآن عرضها على خشبة المسرح ربما لانها تجربة متميزة تحتاج الى ظروف فنية خاصة لتقديدها •

الشخصية الرئيسية هنا محامى شاب يطمح الى المثالية وعندما يصطدم بواقع المجتمع يدفعه الشعور بالاحباط الى سلسلة من ردود الافعال تتسم بالغرابة •


دار الوقف العربي
للصحافة والنشر والتوزيع
٤٨ شارع قصر العيني - ٢٨٢٧٩
ص ب ٢٤ دواوين / القاهرة

Bibliotheca Alexandrina



0486668



26
9k